



信豐縣志卷八

選舉志

進士 鄉舉 薦辟 貢士 掾仕 武職 封蔭 戚院 禮賓 耆民

自唐以來取士掌於禮部用士掌於吏部而周人則用士掌於司馬教士取士掌於司徒卿大夫州長黨正族師皆司徒屬也族師月書之黨正歲書之州長三歲考之以贊鄉大夫鄉大夫三歲大比而興之此王制所謂命鄉論秀士計之司徒曰選士者也於是司徒論選士之秀者而升之學曰俊士太樂正教之曰造士太樂正論造士之秀者以告於王而升諸司馬曰進士司馬論進士之賢者以告於王而論定然後官之此進士鄉貢

口之多寡至每歲舉士之數此歲貢進士之名所由起也然皆掌之於郡二千石者也魏時官人以九品乃別置中正以差擇之武官別主於護軍此特設官選士與文武分途之所由起也北周武帝詔州舉高才博學者爲秀才郡舉經明行修者爲孝廉此唐人於秀才科廢之後目進士爲秀才今人以鄉貢士爲孝廉所由名也隋煬帝始制進士科唐時諸科不常設惟明經進士二科永行二科皆以由州縣者爲鄉貢由學館者爲生徒

始由縣試而後州覆之以貢於京師不第者入學館則不必再由州縣天子自試者爲制舉武后乃設武科此文武科之所由備也而殿試亦由武后始然亦親臨省試爲殿試非於省試之後再試之也宋太祖開寶以後則於禮部試之後再詔試之爲常式矣數試不第而特奏名起矣進士之榜至數百人人數多而前三人列異數分場試隔一試矣明初州縣所貢不第者入太學免再試猶唐制也後以入太學而任之官而鄉薦爲階梯矣三年一舉而一甲定三人以三甲爲限而無四甲五甲矣州縣試別有歲貢矣其薦辟不常設而間舉行者

本朝因明之舊此歷代選舉之大略也故總而論之古者
書以德行而後世試以文詞古者舉而後試後世試而
後舉古者知而後舉惟恐其弗知後世舉而後知惟恐
其先知古者先之以實行而後試之以文藝後世試之
以文藝而後求之以實行其法每相反而得才則無異
焉者何也三代之時禮明樂備士之識智未開而實行
已備矣秦漢以後聖賢所積惟書籍耳不徧通書籍之
精義則不能知聖賢淑身治世之大規此進士之科所
以行千百年而猶重之而人材亦於此出也

進士

唐夾考

後周

黃

鐸 見府志

朱

祥符八年乙卯蔡濟榜

黃

中 字通理

寶元元年戊寅呂添榜

葉

松

皇祐五年癸巳鄭獬榜

致和五年乙未何舉榜

尹耕字莘老

嘉定元年戊辰鄭自誠榜

葉敷榮字淑茂知梅州

特奏名

靖康元年丁未

黃象賢字元宰官都水丞

按府志載宋太祖開寶三年詔貢士十五舉終場者禮

部以名聞已而下詔曰貢士司馬浦等一百六人困頓風塵潦倒場屋非有特恩終成遐棄宜各賜本科出身特奏名思例自此始真宗咸平三年又詔禮部凡士貢於鄉而屢繼於禮部或廷試所不錄者積前後舉數參其半而差等之遇親策士別籍其名徑奏許附試故曰特奏名以別于正奏名進士也其制亦分五等授助教文學有差

明

永樂十六年戊戌孚麒榜

黃閏字基餘翰林院庶吉士出知儀隴縣詳鄉賢

正統十三年戊辰彭時榜

黃德溫

字伯理 兵部武選司主事 陞禮部考功司主事

景泰五年甲戌孫賢榜

龍

霖 未仕卒

成化五年己丑張昇榜

王京

字宗周 刑部主事 出知瓊州府 詳鄉賢

嘉靖十七年戊戌茅瓚榜

黃

注 字汝霖 初授長興知縣 陞吏部稽勲司主事 有傳

萬曆九年丁丑沈懋學榜

甘士价

字謙藩 歷任僉都御史 巡撫浙 陞大理寺卿 卒

萬曆十四年丙戌唐文獻榜

黃大節

字斯立 初授太常寺博士 歷官湖廣按察司副使 有傳

國朝

雍正二年甲辰科陳煥榜

楊廷為

字斗南 號聚臺 初任內閣中書 歷禮部祠祭司 有傳

雍正十一年癸丑科陳俊榜

俞世治

字和衷 號學亭 歷吏兵二部主事 陞吏部文選司 員外郎 山知平陽府 調澤州府 知府

乾隆元年丙辰科金德瑛榜

黃世成

字培山 號平菴 禮部主客司主事

袁鍾秀

字耘喙 號芝田 四川順慶府鄰水縣知縣

乾隆七年壬戌科金牲榜

黃占鰲 字心矩 旣闈齋

鄉舉

謝詔曰鄉舉之宋為漕試謂之發解第階之解送南宮耳弗第者須再試未階以入仕也及累舉弗第然後有推恩謂之特奏名不復繫諸鄉舉矣元時亦然至明始定為入仕之途則一代之新制也

明

洪武三十二年己卯科

劉寶 字友信 山東道御史詳鄉賢

永樂六年戊子科

甘清 據府志補入

永樂九年辛卯科

黃閏 見進士

永樂二十一年癸卯科

吳魁 廣東雷州府推官

正統三年戊午科

楊銘 山西道監察御史

正統六年辛酉科

黃德温 見進士

景泰元年庚午科

龍霖 見進士

景泰七年丙子科

王京 中順天鄉試見進士

曹明 字文輝中應天鄉試詳鄉賢

正德五年庚午科

俞慶 字子友有傳

嘉靖元年壬午科

張純 字懋一有傳

嘉靖十三年甲午科

江潮 字道充湖廣長沙知縣廣西桂林府推官陞德王

嘉靖十六年丁酉

黃注 見進士

嘉靖三十一年壬子

張淵 字時躍詳鄉賢

萬歷元年癸酉科

甘士价 見進士

黃大節 見進士

萬歷十九年辛卯科

俞栢 獻可子舊志失載今補入

萬曆二十二年甲午科

謝堅 授台州府太平縣知縣歷官湖廣德安府知府

萬曆三十四年丙午科

鄧繼禹 武定所補

天啓四年甲子科

曹啓光 南昌府教授四川邛州大邑縣知縣

國朝

康熙二十年辛酉科

黃自錦 字及三有傳

康熙四十一年壬午科

黃龍騰 字雲驤都昌教諭

康熙四十四年乙酉科

謝越 字鳳西廬陵教諭有傳

康熙四十七年戊子科

郭鍾英 字夢蛟

康熙五十年辛卯科

袁天柱 字砥石

康熙五十三年甲午科

俞嘉哲 字帝濬雍正丁未科取明通榜第十二名安仁教諭

曹齊雲 字仲溫有傳

黃彬 字經邦 雍正元年揀選知縣有傳

康熙五十九年庚子科

楊廷為 字斗南 見進士

雍正二年甲辰科

俞世漢 字星溪

雍正四年丙午科

俞世治 字和衷 見進士

殷志清 字且漣

黃昌邦 字必蕃 有傳

雍正七年巳酉科

俞世溶 字光表

雍正十年壬子科

黃世成 字培山中 順天鄉試見進士

袁鍾秀 字耘嶺 見進士

俞世沛 字堯薦 有傳

雍正十三年乙卯科

黃甲 字蒼虬 四川京堂籍

乾隆元年丙辰科

黃占鰲 字心矩 見進士

劉彬 字雲鳳

乾隆三年戊午科

俞端 字紹呂 廣豐教諭 擢山東日照知縣 有傳

乾隆六年辛酉科

謝元吉 字克昭

吳錦 字浣江

俞鳳舉 字潔白

乾隆九年甲子科

俞毅 字體健

謝君毅 字燕謀

乾隆十五年庚午科

曹本忠 字行恕

江大儀 字禮著

黃彬 四川漢州籍

按感覽黃鐸注由進士則明明宜入進士志矣而舊志不載何也甘清府志收入以甘氏族譜陳循墓銘為據必以其可據也寬於府而嚴於縣非義矣黃甲黃鳳黃彬皆生於信豐者也甲與鳳且常試於信豐矣壯年乃徙而之蜀則宜入邑志明矣韓子籍於河南而自署曰昌黎歐公籍于隨州而自署曰廬陵朱子生於建陽而自署曰新安豈三君子尚於理有未明而記有妄乎禮

曰樂樂其所自生禮不忘其本是以太公五世皆及並於周重所由生也故再世以後可不錄而當其身焉必書此古今通義也則甲等之宜載也明矣

武進士

國朝

康熙五十二年癸巳

萬壽恩科宋如柏榜

段斌字師陶由侍衛任陝西涼州鎮標遊擊歷大靖營參將江西撫標中軍參將河南歸德營參將

武舉人

明

天啓七年甲子科

趙世卿千戶啓運子

國朝

康熙五年丙午科

郭燦

康熙七年戊申科

戴斌

康熙二十三年甲子科

俞清

康熙二十六年丁卯科

劉國柱 賴縣籍

康熙三十八年己卯科

袁宗璽

康熙五十年辛卯科

傅璋 字士穎

段斌 見進士

薦辟

唐宋失考

元

馬世超

由薦辟初任判官陞廣東南雄路總管賦性惟淡歸以林泉自娛

黃學文

由薦辟至正八年授知荊州石首縣縣尹十一年冬十月徐壽輝陷安陸沔陽等路石首城陷不屈罵賊而死舉家遇難祀忠義

明

張立中

字覺定明初舉隱逸辭不赴從縣志傳增

俞適

字至中號筠谷通敏有器識尤好吟咏景泰中詔舉懷材抱德知縣王學古舉以應赴京念母老不願仕詔賜冠帶歸所著有筠谷橫槩二集行世

國朝

黃天策

字一峰乾隆元年以拔貢舉博學鴻詞科

黃世成

乾隆元年以進士舉博學鴻詞科受職後歸覲省未就試

貢士

謝詔曰洪武十六年癸亥令天下府州縣學自明年為始歲貢生員各一人二十一年令府學一年州學二年縣學三年各貢一人二十五年令府學一年貢二人州學二年貢三人縣學一年貢一人其府學一年一人州學三年二人縣學二年一人則正統六年所定也至今遵守不改云於中雖有恩貢選貢之不同然其為獻則一耳

按成周之時諸侯歲獻士於天子明倣其意則有歲貢其後循資需次乃別選以疏其滯而歲與選分為二焉弘治中詔廣歲貢數名曰恩貢生嗣後凡遇慶典覃恩皆舉行天啓崇正間或以鄉試副榜充恩貢於是有副榜貢先是萬歷四十年間有納粟納餉諸例凡國學郡學縣學皆得與焉

國朝仍依舊制至康熙初以壅滯暫停尋復照例通行恩貢

明

林英 成化元年貢瓊州府經歷

王一榮 隆慶二年貢漢州判官陞荊州府通判

張獻吉 純子隆慶六年貢廣寧衛經歷

黃 稻 萬歷三十年貢宜春訓導

甘宜興 士傑子萬歷四十八年貢歷官工部營繕所所丞

郭君聘 泰昌元年貢福建建寧府通判有傳

國朝

何名駿 順治二年貢補元年貢

張國祚 順治四年貢

曹宣光 順治八年貢增修縣志有傳

陳士忠 順治十八年貢考授縣丞

張雯 康熙四十六年准歲作恩貢

張昂 康熙五十三年貢雍正八年瑞州府學訓導卒于

戴贊 雍正十三年貢

拔貢

明

戴源修 成化五年拔永春知縣補德化知縣有傳

俞雍 弘治十一年拔將樂主簿

劉邦輝 十二年拔公安訓導

吳晉岑 萬歷三年拔義寧知縣

黃荅 注子五年選會稽縣丞

朱與立 九年拔洛容知縣

吳朝佐 二十二年拔廣寧衛經歷

馬之驥 二十七年拔北流知縣

俞時卿 三十一年拔四川瀘州同知

何萬幾 泰昌元年拔

戴應昌 天啓元年拔連城知縣

黃修明 崇正元年拔

楊光斗 崇正七年拔

張集訓 十八年拔

國朝

黃定中 順治十年拔

劉天宿 康熙二十五年拔萬載教諭陞四川南都知縣

黃虞 三十七年括有傳

俞世漢 雍正元年拔

俞端 雍正六年拔

黃天策 乾隆五年拔乾隆丙辰以博學鴻詞舉

按拔貢自明以來雖與歲貢一例然皆以特勅行不常
議也其年次亦隨時異

國朝順治康熙間限十二年雍正間限六年乾隆間復限
十二年府二人縣一人不中選則闕是所同也

副貢

明

姚秉哲 天啓四年副榜

曹希彬 萬曆十九年辛卯副榜

李自新 萬曆四十三年乙卯副榜

戴天受 萬曆戊午副榜後應崇禎九年貢

國朝

戴國諭 康熙五年副榜

李金魁 順治辛卯副榜康熙十四年貢

黃彩 康熙四十四年副貢

俞嘉哲 四十七年副貢

黃文澍 五十二年副貢弋陽教諭有傳

何舉任 五十二年副貢

朱聖佑 雍正元年副貢

黃文陞 自錦子乾隆三年副貢

黃鳳 占籍四川彭縣乾隆三年九年兩中副榜貢

按副榜者列於正榜舉人以限於解額抑置副車自有

明迄

國朝順治俱未有定程故雖列名副榜仍與歲科考試毋亦終成遺棄迨康熙元年壬寅始以副榜准作貢生永著為例是為副榜貢其出身銓選與恩拔略同

明 歲貢

袁安

洪武二十年貢陝西鹽運副使

鄧顯貴 二十二年貢福建閩縣訓導

黃思賢 二十四年貢山東按察司僉事

朱誠 二十六年貢

鄧安 二十八年貢

盧敏 三十年貢四川什邡知縣

郭滿中 三十六年貢

陳良 永樂元年貢歷陞右春坊諫准府長史紀善

楊誠 一年貢

葉旺 四年貢

袁旺 六年貢

張敬 八年貢浙江永康縣丞

黃容 九年貢

鄭敏 十年貢

朱勗 十二年貢博羅縣丞

吳永 十四年貢海鹽縣丞

袁寧 十六年貢

李澄 宣德元年貢雲南鄧州同知

黃必忠 三年貢羅縣縣丞

江源 五年貢貴州宣尉司吏目

黃昌齡 七年貢仁化教諭

李旭 八年貢

劉時省 九年貢樂清知縣祀鄉賢

李寧 十年貢廣東四會縣主簿

張啓 正統元年貢例授冠帶

袁時敏 三年貢北直隸後屯衛經歷陞延平府知府致仕

施懋昭 五年貢雲南曲靖軍民府照磨

郭淮 七年貢廣西上林縣丞

甘棠 九年貢浙江慈谿典史

葉泰 十一年貢直隸安慶衛經歷

袁銘 十三年貢直隸上海縣丞

葉敷 景泰元年貢交趾石室知縣

黃昭 二年貢交趾聽撥知縣

劉經 三年貢肅府審理

吳伯安 四年貢

馬信 五年貢直隸松江府同知

李鈞 六年貢長沙府經歷

張鼎 七年貢浙江義烏知縣

何廣 天順元年貢惠州府經歷

張綱 三年貢廣東香山知縣

許珩 四年貢直隸全椒知縣

胡璉 五年貢廣東博羅知縣有傳

袁綬 六年貢浙江海鹽縣丞

陳讓 七年貢晉江丞陞茶陵知縣

袁琮 八年貢登州府照磨

黃福 成化元年貢廣東陽江縣主簿

鄧友誠 三年貢寧波府照磨有傳

朱璣 七年貢

曾瓊 九年貢廣東歸善主簿

陸宏 十年貢引禮舍人

黃璧 十一年貢興化府照磨

李鳳翔 十二年貢武定州同知

俞經 十三年貢周府三司

朱瓚 十四年貢岷府奉祀

許鏗 十五年貢黃巖主簿

劉和 十六年貢廣西古田主簿

劉孚 十八年貢例授州判

袁世綸 十九年貢廣西桂林府推官

方堅 二十年貢

甘寅 二十年貢

曾顯 二十五貢

謝 莊 弘治元年貢

郭 麟 三年貢

楊世芳 五年貢常德府檢照

俞 溥 七年貢涇府審理正有傳

許廷用 九年貢福州府推官有傳

俞 紳 十一年貢平湖順昌丞

陳 淮 十三年貢長沙府學訓導

俞 繼 十四年貢

張文綸 十六年貢沂州通判

俞 淵 十八年貢瓊州府通判

戴 纘 修之正德元年貢浙江都司經歷

賈 濟 元年貢有傳

江 崑 三年貢高郵州同知

楊 楷 五年貢建安主簿

劉朝選 七年貢古田知縣

周 申 九年貢

何廷光 十年貢甯興縣丞

胡 鶴 十一年貢永福知縣

張 烈 十三年貢

李 麟 十四年貢泉州衛經歷

俞滋 十五年貢

李修爵 十六年貢黃岡縣訓導

黃誥 嘉靖元年貢高安訓導

張寵 二年貢新會知縣

王鶯 四年貢襄陽訓導

黃純 五年貢浦城主簿

黃綵 六年貢增城訓導

張惠 八年貢

張顯 十年貢臨漳訓導

卓卓 十三年貢徐州訓導 歷陞青陽教諭 黃州教諭

葉鸞 十四年貢四會縣訓導

楊東京 十六年貢海豐訓導 程鄉教諭

王希 十八年貢例授教授

劉用之 十九年貢

朱棠 十九年貢監山訓導

劉廷薦 二十年貢

楊東漸 二十一年貢

汪樂 二十三年貢博羅主簿

彭儒 二十五年貢涇縣訓導 舊府志注云古貌 志心無
幾近之

曹濬 二十七年貢從化知縣

吳沅 二十九年貢欽州文目

朱鳳 三十一年貢

楊邦任 三十二年貢南平訓導

鄧帛 三十三年貢武平訓導

李儒 三十二年貢歙縣訓導

甘鄰 三十五年貢黟縣訓導

李漸 三十七年貢

張嵩

戴旦 三十九年貢南雄府訓導

劉應夢 四十一年貢紹興府訓導

李溫 四十三年貢青田縣諭

甘瑞旦 隆慶元年貢

楊應充 三年貢安仁訓導陞慈谿縣教諭

張鏞 五年貢上高教諭

張鐸 五年貢番禺訓導

葉棟 萬曆元年貢

許自振 七年貢雲南府經歷

黃耀 十一年貢永豐訓導

楊一鑑 十三年貢宜黃訓導

李以仁 十五年貢黃巖教諭

俞子憲 十八年貢

楊胤蕃 東漸子二十年貢安福訓導陞萬巖教諭歷任

吳秀鍾 二十二年貢

劉崇孝 二十四年貢興安訓導

許文燦 振子二十五年貢和州同知陞陝西刑部司經歷

郭思正 二十九年貢昌化知縣

張為月 三十二年貢

吳河臣 三十六年貢貴溪訓導

朱世仁 崇子三十七年貢

李乾瑞 三十九年貢廣昌訓導有傳

楊汝豫 四十一年貢

郭期登 四十三年貢

許文煌 振次于四十五年貢大冶縣丞

戴用明 四十七年貢

俞樅 崇禎元年貢華州州判有傳

何汝器 三年貢

戴應舉 五年貢吉水訓導浮梁教諭有傳

張鵬翼 七年貢荊州府教授

曹熹 崇禎三年貢

張宜統 五年貢

吳純臣 七年貢

俞貴卿 十一年貢

李之光 溫孫十三年貢

吳逢渠 十四年補貢

袁伯卿 十五年貢受業陳明卿曾瑞甫之門督學侯公明
曾特旌優行

俞之琦 補貢

張珽 補貢

曹觀光 十六年貢

楊紹綬 補十五年貢大庾訓導

國朝

袁崇雅 順治三年補元年貢

張五典 六年貢

張濟美 八年貢南昌教授有傳

黃廷鳳 十年貢崇仁訓導

嚴廷訓 十二年貢瀘溪教諭

楊魯瞻 十四年貢

黃珩 十六年貢弋陽訓導

吳嘉官 十八年貢

袁玘 康熙八年貢峽江訓導陞交城縣丞有傳

黃圖龍 十年補貢

選舉

梁明經 十一年補貢

陸龍躍 十一年貢

甘來賡 十二年貢

戴國璜 十六年有傳

郭逢年 十八年貢任鉛山訓導

周之鼎 二十年貢

朱日昇 二十二年貢

俞嘉爨 二十四年貢

黃鎮藩 二十六年貢

卞繼盤 二十八年貢

李璋 三十年貢

楊伸 三十二年貢

馬萬里 三十四年貢

李瑗 三十六年貢

郭逢盛 三十八年貢授豐城訓導

曹達鑑 四十年貢

吳世斌 四十二年貢

吳元禧 四十四年貢

戴國暹 四十七年貢

夏文漢 四十九年貢授安仁訓導

陳士紀 五十一年貢

張廷樞 五十五年貢

周淳 五十七年貢德化訓導有傳

江鯤 五十九年貢

俞錢 六十一年貢授星子訓導辭不就

郭達翹 雍正二年貢

何弘圖 四年貢

賴士煌 六年貢

李金正 八年貢

張鳴鳳 十年貢有傳

羅以成 十二年貢

郭模 乾隆元年貢

姚日煌 三年貢

曹華樂 五年貢

黃麟 七年貢

游天祥 九年貢

黃文炳 十一年貢

黃彭 十三年貢

朱映彩 十五年恩貢

謝逢晉 十五年貢

李迪 廣東保昌籍

府學貢

明

曹潔 真定府通判

張紆 南丹衛經歷

張元吉 順德訓導

曹渤 印州同知

俞獻可 有傳

郭印 武平教諭

苑 系 昌訓導

俞懋 選貢

俞琳 有傳

許持謙 分宜教諭

劉汝化 淮府教授

徐在源 化州學政

吳祥鍾 陵水知縣

張庫

黃龍

楊惟烈 息貢

朱廷緒 世仁子

吳維芳

天啓二年太平訓導城破死難

吳昌明

天啓三年錢塘縣丞

黃應宿

崇禎五年新冷訓導

吳宗芳

七年貢

鄭宗孔

八年貢

曹肇

九年貢 愍陞定海衛經歷

朱時

延禧十二年

俞之翰

十六年貢

張集垣

十七年貢

俞容華

選

國朝

俞貞卿

順治四年貢

高應相

五年貢

曹葆光

六年貢

曹遠光

七年貢 撫州教授 以巡按筮重光薦知縣 華未任

蔡而隼

十年貢

周之冕

康熙九年貢 湖口訓導

黃襲聘

十年貢

吳遠宗

十五年貢

鄧壯行

二十四年貢

俞師錫 二十四年貢

戴國倫 二十七年貢

曹世翰 三十三年貢

袁瑛 三十五年恩貢

姚斌 雍正二年貢

黃文汾 雍正十年貢有傳

郭瀛秀

鐘上暹

黃世成 雍正六年拔貢

應例

明

吳吼 南陵主簿

曹繡 建德主簿

顧騏 衢州府經歷

張文制 襄陽主簿

張鴻 肇慶府知事

王罕 江夏主簿

吳龍 徽州府經歷

吳彥 海陽縣丞

戴授林 無為州同知

劉敬之 德慶州史目

劉敏之 松陽主簿

吳準 曲靖府照目

吳冠 融縣知縣

曹松 霑益州同知

王履 江夏主簿

李舜年 建寧府經歷

楊道燾 曲江主簿

楊之奇 廣東臬司檢校

王源 南寧府照磨

郭鐸 茶陵州吏目

俞方 許州吏目

俞亮 靈寶主簿

吳詡 綏寧主簿

葉柰 西城兵馬司

吳昌崑 奇嵐衛經歷

張奇 安慶府照磨

俞心甫 慶遠府經歷

張為象 懷遠主簿

楊元實 松楊主簿陞楚府

吳昌祐 宿遷主簿

曹樞 福建都司斷事

吳昌聞 漳州府經歷

吳朝登 序班

馬千里

楊杞

陳莊

張貫古

曹倫

郭軫

郭載

楊格

劉材

張問邦

張璜

吳邦實

戴擇休

吳子文

郭鎰

曹潛

葉梅

張問士

張植

謝錠 授行軍通判

吳昌璋

何萬鍾

張惟升

曹騰龍

朱璋 義建崇正書院

莫之編 稟入監授南寧照
磨陞永康知州

李承嘉

許道行

黃戴玄

南太學與譚友夏
諸士輩吟咏

郭壯觀

廣東興寧知縣

楊元新

授南安訓導

右六十五人謝郡志顏曰應例張志錄之添入監二字
內遺張奇俞心甫郭壯觀三人後續以例監混入考授
州同縣丞由附生等字鳳渚書法豈例監之謂哉按石
城志景泰元年詔天下生員納粟馬入監例與貢同
故于謝志所載伊縣陳斌陳駟三十二人下皆詳注稟
增附字樣以此推之此六十四人雖未註生員出身不
得黷等於今之監明矣據志于黃戴元載其在南

譚友夏謝耳伯相倡和志內本傳亦皆詳錄此正履
所慨就中猶有限制不至如今之濫觴第以資進不問
從來者也故康熙三年志標曰勸貢然其時第云例與
歲貢同何得遽曰貢不如石城志仍曰應例子義為妥
且還鳳渚之榜嗣之為貢為監則近今之人遵近今之
制勇歸入各項庶不致混淆有失昔人慎重紀實之至
意

國朝

制貢

官

卷之八 選舉

傅受升

河南布政司理問

鄧通儒

劉天霖

例貢分宜訓導

許道暘

曾德亮

考授同知

康學敬

廣西林桂知縣

劉天揚

安福訓導補都陽陞廣昌教諭

廖廷文

黃方輅

黃文卓

劉天懼

河探訓

錢貽

劉紀治

賴芬賢

劉天宗

黃文濤

陳宰賢

黃上襄

由附生

郭德灝

由廩生

陽立章

由附生

縣志

卷八

選舉

五

謝 琨 由附生

謝宇蕃

謝于絢

俞體清 由附生

曾應璉 乾隆八年捐貢

謝啓廷 由附生

職監

明

黃 柳 嘉慶五年捐貢

李 江 揚州府事

蔣 勅 臨高主簿

李學舜 副縣丞

黃興思 松潘衛經歷

戴 景 瑞安縣典史

曹 津 京縣縣丞

何經禮 竹山縣典史

曹 宋 桂林府知事

何經通 何定府經歷

李以周 程鄉主簿

曹 權 新惠巡檢

袁可睿 山西布政司理問

曹 美 考授主簿

曹士唐 白陽巡檢

曹 棟 授宗人府經歷

劉一美 潯州府經歷

劉宣文

周之德

王承肇

謝 昌 清遠衛經歷

楊金鸞 成都縣典史

仁道縣志卷之八

鍾體政

張士達

黃虞臣

錢夢熊 考授中書

國朝

鄧通仁

劉天旭 附生入北監考授縣丞

鍾弘遠

夏文藻

郭達禮 由附生

廖應昌 考授州同知

劉天掄

劉時溥

蔣倩 由附生

黃日錕

藍泰煥

劉灝先

廣西布政司經歷尋陞大平通判以上俱應監考授州同知在籍候選考授縣丞在籍候選

黃傑

康學政

鄧文秀

黃燧

梁德位

張泰運

黃日彬

鄧文龍

鄧思強

劉洪先

郭鍾輝

鄧思鵬

以上俱應監考授縣丞在籍候選

鄧文敏 由附生

陸應謨 由附生

俞銳 由附生

何舉軾 由附生

黃圖治 由附生

何嘉修 由附生

仁道縣志

卷之八 選舉

七

郭遠節 考授主簿送部引見

徐之魁

劉淑先

葉世魁

廖大鉉

顧增華 考授州同知

余有璘

劉天縱

黃日華 考授州同

曾世卿

黃曰倫

康天詔 考授州同知

謝升 授浙江鹽運使司副使 有傳

謝昌 考授州同知

黃賜珮 考授州同知

袁彬 考授州判好書樂施

郭德錕 考授州同知

殷志懷 考選同知

考授州同

椽仕 已任者得書

宋

譙曰禮 紹興五年任肇陽江縣河北所 泓 嘉泰二年任南劍州

明

吳魯 建水巡檢 黃珂 上杭縣典史

王慶 典史 朱顯 福清縣丞

劉通 歸州巡檢 葉貴 南平典史

葉盛 福清主簿 施政 定海巡檢

袁賓 海陽倉大使 江漢 西安倉副使

朱慶 增城縣東洲驛丞 劉希周 瀘溪縣典史

何圖 繁昌縣典史

甘恩 襄陽油坊巡檢

曹子問 涇縣縣丞

劉永春 泉州府知事

吳子高 桐鄉縣丞

張天德 廣東通衢驛丞

郭汝化

何梗 延平府知事

顧宋 上林長官司吏目附

鍾應隆 鳳陽府經歷

鍾國祚 金華府經歷

王玉華 通州衛經歷

王一清 山西馬邑縣典史

蕭雅宗 無為州吏目

蕭文揚 柳州選江縣典史

蔡宗魯 廣西縣典史

彭以仁 濟南長清縣縣丞

郭正美 廣東化州吏目

彭憲 福州府經歷

彭賦 廣東順德縣倉大使

羅孔文 廣東番禺縣典史陞

夏

葉世魁 四川犍為縣典史陞

國朝

周文魁 字旦中 雍正六年授直隸保定府高陽縣典史未及任而卒

湯一瀧 字爵卿 初任貴州平越縣楊老驛驛丞母憂服闋補湖廣湘潭縣黃茅驛驛丞以練委署本縣典史及衡山縣永壽司巡檢告老歸

論曰選舉之法三代以下惟漢制最為近古若賢良方正直言茂才等科目雖殊要不外乎鄉舉里選而其間得人為最故內而公卿郎史外而郡守尉令政績彪炳直可焜耀千古晉魏以降遞及唐宋各朝變置不一進

取日以廣而吏道亦因之日益褻矣至有明歷三百年設為制科以四書經藝定鄉會兩試中額舉于鄉曰舉人選于禮部曰進士此外有拔貢歲貢例貢更設國學於兩京有明取士大概若此我

朝龍興取士之法多仍其舊惟國學則定于一邇來文教日隆人材蔚起各省解額遞增即武闈兩試亦校核精嚴國家網羅所及幾至野無遺賢信邑際昌明之會抱器乘時者先後揚鑣馳驅皇路者接踵連袂行見致君堯舜澤被蒼生功業著于朝野隆名垂諸史冊是宜彰之邑志俾鄉中子弟把卷流連勃然興起安知其不奮鬪摩雲策名天府他時勲業卓越前轍其所以表章激勸昭往烈而勵方來者厥益宏矣

武職

明

溫儉 崇禎十三年以破賊擢陞選擊職

國朝

鄭誥 千戶鄭鐸裔任鉛山守備

康宜壽 以功加任撫標中軍把總以平定龍泉功陞河南襄城守備歷陞廣東順德鎮標中軍參將管中軍副將事致仕

段斌 字師陶襄熙癸巳科武進士點侍衛康熙五十九年任陝西涼州鎮標遊擊歷大靖營參將江西撫

標中軍參將河南歸德營參將

胡榮

字傳賢康熙丙辰寇亂率鄉勇禦賊保全境內縣令劉治國薦之贛鎮時滇寇大發廣徵義勇贛鎮舉榮應募以功由千戶加守備康熙辛酉授廣東程鄉都司以憂歸遂不仕保人悉以贍姻族之貧者

封贈

明

李時中

以子澄贈神策衛經歷配顧氏贈孺人

黃信初

以子德溫封考功司主事配楊氏贈安人

王學古

以子京封刑部主事配范氏贈安人

甘文炳

以子士价贈中憲大夫都察院右僉都御史配蔡氏贈安人

黃棠

以子大節贈禮部祠祭司主事配俞氏贈安人

甘士傑

以子宜興贈工部營膳所丞配許氏贈孺人

謝愈廣

以子堅贈文林郎配氏贈孺人

戴國選

以子應昌贈連城令配何氏贈宜人

國朝

俞嘉彞

乾隆元年覃恩以孫世治贈奉直大夫兵部職方司主事配黃氏朱氏贈宜人

俞金

乾隆元年覃恩以子世治贈奉直大夫兵部職方司主事配曹氏贈宜人

黃虞

乾隆元年覃恩以孫世成贈承德郎禮部主事司主事配何氏俞氏贈安人

黃文汾

乾隆元年覃恩以子世成誥封承德郎禮部主事司主事配陳氏封安人

楊正元

乾隆元年覃恩以子廷為誥贈奉直大夫戶部福建司員外郎配張氏謝氏贈宜人

嘉慶系志

卷之八

選舉

七

楊廷為

乾隆元年覃恩誥授奉直大夫戶部福建司員外郎配江氏贈宜人

康閔昭

以孫宜壽贈駮騎將軍

康文秀

以子宜壽贈駮騎將軍

段上吉

康熙五十二年覃恩以孫斌贈駮騎將軍

段天錫

康熙五十二年覃恩以子斌誥封昭勇將軍

段斌

康熙五十九年由侍衛任陝西涼州鎮標游擊誥封懷遠將軍雍正十二年補授江西巡撫都察院中軍誥封昭勇將軍配曹氏張氏贈淑人

廖乾瓊

以子應昌誥贈儒林郎

謝國尊

乾隆元年覃恩以子越贈駮騎將軍

劉應仁

以子天宿誥封承德郎工部屯田司主事配曹氏

劉天宿

封授承德郎工部屯田司主事配戴氏贈安人

謝逢年

以孫昌贈封儒林郎配夏氏贈安人

謝君寅

以子昌封儒林郎配戴氏贈安人

謝升

封奉直大夫浙江杭寧紹温台益運副使配朱氏贈宜人

康明迪

以孫天詔贈封儒林郎配鄧氏贈安人

康朝龍

以子天詔誥封儒林郎配鍾氏贈安人

黃栲

以孫賜珮贈封儒林郎配謝氏贈安人

黃昌仲

以子賜珮封儒林郎配劉氏贈安人

袁三英

以孫彬贈封徵仕郎配邱氏贈孺人

袁清益

以子彬誥封徵仕郎配劉氏贈孺人

選舉

黃廷策

殷輅

以孫志懷貤封儒林郎

殷士林

以子志懷封儒林郎

謝國琇

以子之連封儒林郎

戚琬

後周

黃鐸

由進士尚柴臯郡君封駙馬都尉

明

湛震

配端昌王恩縣君有勅尚存

其文曰人之大倫莫先於夫婦禮之大節莫重於婚媾

此古今之通義也今特命爾湛震為奉訓大夫宗人府

儀賓配以平恩縣君爾尚崇惠敦禮克慎威儀毋怠毋

驕用昭寵命欽哉嘉靖三十年五月二十日

禮賓

元

許南秀

賦質恬雅制行古道元統元年百歲童顏鶴髮舉執賓詔于朝賜鈔五十錠至元四年壽百五歲

明

湛克盛

萬歷二十一年耆年碩德邑令曹給匾德壽嘉賓

張崇冕

三舉正賓

湛瑞光

崇正二年

温天宦

崇正

性情質實古道自處

温俊衮

崇正

捐貲修學捐助軍需

國朝

張集浩

順治十六年巡按李之粹旌其問善行齊芳云

鄧中升

莊敬謙和

劉國興

順治

好善樂施

吳先登

康熙十三年

施啓元

康熙廿二年

劉宜富

康熙廿八年動遵矩矱行協輿情

鄧瑞

顧天機

劉道奇

雍正六年春孝友愛因心施予不倦

劉天揚

雍正七年春季

黃焯

雍正七年春季

黃文軾

雍正八年

朱廣達

雍正十一年春季孝友端方慷慨急公

王德文

雍正十一年冬季孝友克敦施予不倦

王萬奉

雍正十一年冬季

戴珮

雍正十三年

俞世宸

雍正十三年

謝君宇 雍正十三年秋季

李茂登 雍正十三年

王天琳 雍正十三年冬季

鄒啓禴 乾隆元年

李大節 乾隆元年

謝啓鈞 乾隆元年

譙繡賢 乾隆元年

譙大春 乾隆元年

劉於鯨 乾隆二年

謝肇瑋 乾隆二年秋季

游必大 乾隆三年春季

呂明宗 乾隆六年

曾應玠 乾隆七年

王國鏊 乾隆九年

勅賜冠帶耆民

明 黃鈞 成化十二年事見忠義卷

黃玉璋 萬曆七年

胡欽貢 崇正十二年

國朝

蕭明恕 乾隆二年 八品冠帶

謝以仕 年九十七

黃掄升 雍正四年給田畷官年九十二

信豐縣志卷之八終 選舉

信豐縣志續編

選舉志

進士

進士 鄉舉 薦辟 貢士 掾仕 武職 封贈 咸曉 禮賓 考民

國朝

黃占鰲

見舊志 廣東惠州府博羅縣知縣 改授撫州府 授有傳

乾隆十七年壬申 恩科秦大士榜

江大儀

字禮著 號慎堂 河南衛輝府延津縣知縣 有傳

黃景 寄籍四川京堂縣

欽賜進士

施普

寄籍萬載縣 嘉慶十年己丑科 賜翰林院檢討 有傳



鄉舉

乾隆十七年壬申 恩科

黃景見進士

乾隆二十一年丙子科

王鯤騰

乾隆二十四年己卯科

曹為璋字應麟乾隆辛巳科取明通榜第三名改德安教諭丁憂服闋補瑞金教諭有傳

乾隆二十五年庚辰 恩科

吳琛字瑤章任廣豐縣教諭有傳

乾隆二十七年壬午科

張捷登字魁三揀選有傳

郭景泰字日暄有傳

俞洪緒

乾隆四十四年己亥 恩科

李光淵字子謙揀選知縣有傳

乾隆四十五年庚子科

施珩寄籍順天

乾隆五十四年己酉 恩科

王捷甲字本乾揀選知縣有傳

欽賜舉人

賴銘常 嘉慶三年戊午 恩科 賜

施 普 嘉慶九年甲子科 賜見進士

謝鳳藻 字天池 嘉慶十三年戊辰 恩科 賜有傳

武舉人

國朝

乾隆二十五年庚辰 恩科

吳飛龍

乾隆二十七年壬午科

曾一元

乾隆三十六年辛卯科

李占先 有傳

乾隆四十五年庚子科

李榮春

乾隆五十三年戊申科

李日新

薦辟

國朝

李光皓 字應亭 道光元年以增貢舉 孝廉方正科

貢士

恩貢

國朝

顧錦珮 乾隆二十七年貢

葉兆青 乾隆三十六年貢玉山教諭有傳

郭翹林 乾隆三十七年貢有傳

賴克權 乾隆四十三年貢有傳

胡懋學

甘忠璽 乾隆五十四年貢就職教諭有傳

黃曰旦 乾隆六十年貢就職教諭

劉慶 嘉慶四年貢

賴錫光 嘉慶五年貢

曹會興 嘉慶六年貢

李彬 嘉慶十四年貢有傳

李叙欽 嘉慶二十四年貢

甘忠堃 嘉慶二十五年貢

楊秀 道光元年貢

拔貢

國朝

吳琛 乾隆十八年拔見鄉舉

謝肇清

乾隆三十年拔 當陽縣知縣調任黃梅縣有傳 廷試揀選任上高教諭陞湖北

黃景曾

乾隆四十二年拔 廷試揀選歷任山東齊東

王全仁

乾隆五十四年拔就職教諭有傳

謝宗

嘉慶六年拔充 內廷分校授北城中城副指 授廣東鎮平縣知縣 特調直隸蠡縣現任

謝肇楨

嘉慶十八年拔就職教諭有傳

副貢

國朝

張家賓

乾隆十八年癸酉科有傳

李相炳

乾隆五十二年戊申科有傳

歲貢

國朝

袁盼龍

乾隆十七年貢德安訓導

俞音

乾隆二十一年貢

袁鴻章

乾隆二十三年貢

謝蔚起

乾隆二十五年貢有傳

溫其淵

乾隆二十七年貢

熊振

乾隆三十一年貢

王鵬翥

乾隆三十三年貢就職訓導

周學仰

乾隆三十五年貢有傳

謝芷

乾隆三十八年貢

李中立 乾隆四十年貢有傳

曹為珍 有傳

廖光邦

曹鳳翥 有傳

賴學詩

黃學淳

熊士灃

李上英

李相炳 見副貢

謝純 乾隆五十七年貢

李作梅

俞方森

黃士堅 嘉慶元年貢任廣豐訓導

謝鳳藻 嘉慶三年貢見鄉舉有傳

熊彰 嘉慶九年貢就職訓導

俞元祐 嘉慶十年貢

秦紹英 嘉慶十四年貢

謝舟 嘉慶十五年貢

江宗濂 嘉慶十六年貢就職訓導

李寅 嘉慶十九年貢

謝典 嘉慶二十一年貢

熊福葵 嘉慶二十三年貢

黃玫 嘉慶二十五年貢

黃雨春 道光二年貢

優貢

國朝

謝馨

乾隆四十五年貢充八旗教習選九江府訓導署撫州府教授補豐城縣訓導

府學貢

國朝

陳榮鼎

乾隆二十二年貢

戴祺

乾隆二十六年 恩貢瀘溪教諭有傳

按戴祺郡志既列府學貢又載縣學今正之

何昌 乾隆三十三年貢

宋惠疇 乾隆三十四年貢

黃裳 乾隆四十一年貢見封贈有傳

謝韜 乾隆五十六年貢

王泰 乾隆五十七年貢

張步蟾 乾隆五十八年貢

李世華 嘉慶六年貢有傳

袁鴻達 嘉慶十四年貢

王玉春 嘉慶二十一年貢

熊福藻 嘉慶二十二年貢

江宗清 道光三年貢

補遺

明

劉沛川 歲貢山水縣丞見郡志

國朝

黃文斌 雍正十年拔見郡志

應例

國朝

謝于紹 歷任四川蓬溪南充兩淮泰州鹽課大使見封贈

謝宇位 歷任廣西永安州吏目貴縣懷集縣巡檢有傳

謝綱 任福建泉州府司獄

鄒國正 任四川什邡縣典史

黃堂 任廣西懷集縣慈樂寨巡檢

黃維均 由監生捐縣丞投効東河分發直隸試用

謝軫元 由監生援衡工例捐從九即用

謝向晨 由監生援衡工例捐從九即用

謝亨 附監生援衡工例捐從九即用

陳長春 由監生援工賑例捐未入流即用

康文昱 崇德從九即用

補遺

明

張良武 成化間任順天府經歷

張日新 宏治間任四川廣安州知州

張良忠 嘉靖間任廣東保昌縣稅課司

謝明珍 嘉靖間任江南安慶府經歷

謝廷宴 萬曆間任浙江布政司理問

李方嘉 任廣東惠州府同知

李行可 任廣東廣州府增城縣知縣

例貢

國朝

戴 祐 由廩 謝肇修 由廩生見封贈有傳

謝肇連 由廩生 肄業國子監 候選訓導 考職一等 充內

陳慶錫 由廩生 授浙紹山陰丞 署上虞縣知縣 黃治績 由廩生 援豫東例捐

黃治紳 由廩生 曹 勳 由廩生

李光皓 由增生 見薦辟道光四年八月奉 文該縣移建

書院紳士李光皓捐銀一千兩 洵屬急公好義 給予助興文教匾額以示獎勵 仰即知照 載入縣志 仰彰善舉而垂不朽

黃衢尊 由增生 黃 鐘 由附生

劉 澍 由附生有傳 謝承乾 由附生

賴芬賢 由附生

陳錦標 由附生

熊福荀 由附生

黃鶴汀 由附生

邱德成 由附生

曾佳士 由附生

謝偉 歷任兩浙兩淮福建鹽大使 題署古田縣知縣

謝學謙 任廣東思陵州吏目 李光旰 捐刑部司獄補用

張鴻 年九十三歲五世同 李映 捐翰林院待詔職加

陳家寶 捐州同職請 封 李暹春 捐州同職

謝逢貴 有傳 謝綸

謝逢日 有傳 黃廷暢 有傳

熊文亨 有傳 郭文焯

陳健 朱天霖

蕭光璧 康士印

王錦 陳家珍

王文濤 熊山

王世璟 曹榮贊

王恩泮 甘相廷

王宏湘 劉匡雍

邱元德 張志賢

劉運霞 康鳳爵

朱鵬飛 黃炎

朱鵬飛

謝學理 有傳

郭學超

李光湛

曾攀桂

郭大鳳

郭茂祉

賴鯤化

龔世紹

江山秀

顧世越

傅學錦

姚徵輝

姚徵熊

陳慶鉞

邱仲譽

邱德嘉

賴錕賢

朱振彩

胡成勳

溫元彭

樊學海

康士卿

袁廷造

謝學超

歐陽軒

楊天成

劉麟

陳勳

盧鴻陞

張榮選

邱德淮

袁榮邦

劉添五

張廷珍

郭世巡

陳德昌

羅家俊

李光漢

鍾大光

劉特彰

劉學鴻

曹德遠

廖允義

張煥光

何繼燕

葉定高

余相邦

張聲鏞

郭鴻章

李曉

張金度

陸鴻恩

何鳳姿

龔世雄

曾紹南

李名煥

吳泰勳

譚澤沛

施拔英

唐占元

張廷相

黃治綾

黃治紱

劉廷桂

黃培元

邱紹勳

陳攀桂

陳崧高

職監

國朝

謝鴻中 捐翰林院待詔職

謝縉 捐州同職 見封贈有傳

謝予誥 捐州同職

謝緯 捐鹽課大使職

謝尹春 捐府經歷職

謝 佶 捐主簿職

黃濬源 附監捐州同職加四級請 封

黃啟馨 捐州同職

李相燦 捐布政司理閩職有傳

李相燿 捐州同職有傳

李光洪 捐布政司經歷職

李光渥 捐布政司理閩職

李瑞華 捐衛千總職

李朝珍 捐州同職

補遺

明

李 坤 捐經歷

李 遠 捐縣丞

椽仕

國朝

郭青純 由吏負援川楚例捐奉入流即川

曹勳恩 由吏負考授從九

武職

國朝

李鴻崑

康熙五十四年以軍功任廣西恩恩府校尉補

李鴻崑

任廣西恩恩府校尉

劉玉長

授寧都州總鎮司

曹玉恒

任寧都州總鎮司現任吉安府汝城守分府

張學文

任廣東香山協左營守備

劉和茂

世襲雲騎尉署瑞州府都司

劉和貴

任贛州府興國營協防分司

劉毓貞

任九江府都湖水師營瑞洪把總

曾燦輝

由武生捐營千總職

補遺

明

賴迪吉

崇正間授南鄉練總守備

封贈

國朝

謝昌

乾隆二十六年 覃恩以子偉贈儒林郎配邱氏

江鯤

乾隆二十六年 覃恩以孫大儀贈文林郎配

江澤溥

乾隆二十六年 覃恩以子大儀贈文林郎配黃

衣瑛

乾隆二十七年以孫鍾秀贈文林郎配葉氏

袁憲

乾隆二十七年以子鍾秀贈文林郎配黃氏贈孺

謝君毅

乾隆三十六年 覃恩以子筆清封脩職郎元配

曹恩晉封文林郎元配吳氏晉贈太孺人繼配高氏晉封太孺人有傳

曹燕樂乾隆三十六年 覃恩以子為璋馳贈修職郎配施氏馳贈孺人

謝于紹乾隆三十六年 覃恩封修職郎妻曹氏贈孺人繼配黃氏封孺人

謝琨乾隆四十二年 覃恩以子綱馳贈登仕佐郎配劉氏馳封孺人

謝尹嘉乾隆四十五年 覃恩以姪肇清馳封文林郎配施氏馳贈孺人有傳

謝升副室鈕氏乾隆四十五年 覃恩以子子紹馳贈孺人

黃文澍乾隆五十年 覃恩以孫景曾馳贈文林郎元配戴氏繼配李氏劉氏馳贈孺人

黃裳乾隆五十年 覃恩以子景曾封文林郎配戴氏贈孺人有傳

謝昌副室章氏乾隆五十年 覃恩以子宇位馳贈孺人有傳

緝嘉慶元年 覃恩以子馨馳贈脩職郎配俞氏馳封孺人

謝肇仁嘉慶二十四年 覃恩以姪宗馳贈文林郎配張氏馳贈孺人

謝肇修嘉慶二十四年 覃恩以子宗贈文林郎配郭氏繼配李氏副室陳氏贈孺人有傳

謝肇淳嘉慶二十四年 覃恩以弟肇連馳贈脩職郎配朱氏馳封孺人有傳

謝宗道光元年 覃恩封文林郎妻徐氏封孺人

李吉以孫舉人光淵馳贈文林郎配王氏馳贈孺人以孫舉人光淵馳贈文林郎配戴氏贈孺人繼配謝氏施氏封孺人有傳

李相焜以孫舉人捷甲馳贈文林郎配康氏馳贈孺人以孫舉人捷甲馳贈文林郎配饒氏贈孺人有傳

王維賓以子舉人捷甲贈文林郎配饒氏贈孺人有傳

王德江以孫縉馳贈中憲大夫配曾氏馳贈恭人以孫縉馳贈中憲大夫配藍氏贈恭人有傳

謝君宇以子縉封中憲大夫配藍氏贈恭人有傳

謝建以子縉封中憲大夫配藍氏贈恭人有傳

謝 縉 由州同加五級封中憲大夫配曹氏封恭人有傳

黃 旭 以子濬源封朝議大夫配熊氏封恭人道光四年

八月奉文該縣移建書院紳士黃旭捐銀一千兩洵屬急公好義給予助興文教匾額以示獎勵仰即知照載入縣志俾彰善舉而垂不朽

黃 冕 以姪濬源封朝議大夫配王氏封恭人

黃濬源 由州同加四級封朝議大夫配王氏封恭人

陳光斗 以孫家寶封朝議大夫配賴氏封安人

陳 儀 以子家寶贈儒林郎配王氏贈安人

謝逢搏 以子尹春封朝議大夫配張氏封孺人有傳

謝守崗 以子學琮封朝議大夫配高氏封孺人

謝守炳 以子學共封朝議大夫配高氏封孺人

劉之鉤 以子潔封朝議大夫配謝氏封孺人

劉常浴 以子克秀封朝議大夫配吳氏封孺人

康鳳聽 以子桂封朝議大夫配謝氏封孺人有傳

林際貴 以子亨封朝議大夫配張氏封孺人

施天麟 以子涵封朝議大夫配張氏封孺人

李鴻宜 以子相燦封朝議大夫配劉氏封孺人

李相燦 以子光本封朝議大夫配溫氏封孺人

李相灼 以子光渥封朝議大夫配邱氏封孺人

李堂賓 以子銘著封朝議大夫配謝氏封孺人

謝尹奉 以子肇榮封朝議大夫配劉氏封孺人

三
卷之八
舉

黃經邦 以子治善封登仕佐郎配邱氏封孺人

張佩 以子廷瑩馳封登仕佐郎配鄭氏馳封孺人

曾世璇 以子昌厚贈儒林郎配溫氏贈安人

張祈花 以子朝遂馳封登仕郎配李氏馳贈孺人

禮賓

國朝

鄭學貴 順治八年春季 鄭富我 順治八年秋季

何孔浩 順治八年 李士絹 康熙元年

郭本緒 康熙十六年 郭本綸 康熙九年

李垂濬 雍正五年 賴英賢 附生雍正八年介賓

李茂登 雍正十三年 陳光祚 乾隆二年春季

傅儒賓 乾隆二年 曾萬掟 乾隆三年

李垂匠 乾隆五年 王大周 乾隆五年

謝啟銘 乾隆十七年冬季 王崇儒 乾隆十二年十七年

陳昭道 乾隆二十二年冬季 賴光斗 乾隆二十二年

許雲池 乾隆二十五年 江廷楷 附生乾隆二十五年

藍華賢 乾隆二十七年 謝國宗 乾隆二十七年冬季

曾萬交 乾隆三十年 盧廷宣 乾隆三十七年

溫其澍 歲貢乾隆三十六年 高華治 乾隆三十七年

李學一 乾隆四十年介賓 李鴻友 乾隆四十年

劉之徽 乾隆四十一年 夏朝宏 乾隆四十二年

陳顯仕 乾隆四十二年冬季 曹 洲 附生 乾隆四十二年

郭懋珍 乾隆四十七年 曹元理 乾隆四十八年

謝 震 附生 乾隆四十八年 李學春 乾隆四十八年

李 仲 乾隆四十八年 藍家繹 乾隆五十四年

謝 芷 歲貢 嘉慶二年正賓 陳光斗 有傳

戴觀光 附生 嘉慶二年介賓 劉奕慈 嘉慶二年冬季

李士英 歲貢 嘉慶三年冬季 李陳善珮 嘉慶三年

黃 閻 附生 嘉慶三年冬季 賴 柳 嘉慶三年

黃光冕 嘉慶三年 劉貽芳 為善 渾厚 居心

張師和 劉錫繪

補遺

明

李存郁 正德壬申 李 堅 嘉靖甲寅

李 本 嘉靖丁巳 李士星 萬曆丙子 賦性溫良 秉心淳樸

李 楮 萬曆丁未 李英敕 萬曆癸酉

李 曉 萬曆己未 鄭成經 萬曆己未

賴迪恩 天啟元年 李 瞬 兩舉 崇正壬申

李方期 崇正壬午 李士震 崇正癸未

冠帶耆民

國朝

嘉慶元年 恩

曹家相

陳蘊三

鍾贊元

曹文梅

余昌地

殷必綬

傅賢紫

施體正

曹鳳起 事親維謹待弟以寬 劉賢邦

朱恩泮

施四表

溫雲軒

劉朝教

以上十四人俱年七十以上詳請給予九品冠帶

嘉慶二十五年 恩

曹桂芳

謝肇冲

謝宇雲 承家訓 古保元和 陳學海

曠成昇

廖啟鋒

李維春

何榮陞

施鴻

以上九人俱年八十以上詳請給予八品冠帶

王景元

謝肇淋

土洪吉

曹會琅

王敬選

施澤

鍾昌業

謝宇彭

見義必為和睦鄉里

葉成

鄧忠愍

劉元經

曹士祐

劉階泰

謝培柘

康煥章

謝賢班

曹定保

謝啟楠

黃培讓

謝啟儷

李天紳

謝肇深

謝正選

曾衍紳

謝培棠

蕭德雲

謝肇崑

曹明機

謝復亨

胡瑞玉

謝培綱

張承瑩

謝字晉

葉文越

謝字晨

何繼熿

李雲洪

葉文燦

曹定澧

彭振梓

戴日峻

蕭仁裕

張品充

劉匡海

羅錦策

劉芝福

以上四十六人俱年七十以上詳請給予九品冠帶

補遺

何翠芳 性好讀書五官清健年百歲晉一

羅德輝 賦性醇樸幼習岐黃年九十有五

李垂匠 見禮賓

何天湘 賦性醇謹隱惡揚善年八十

葉兆都 監生秉性渾樸行端嚴年百歲晉三

補貢士

曾毓華 道光四年拔

蕭鳳頌 例貢

黃維颺 道光四年貢

信豐縣志卷九

人物志上 行業忠義 孝友 文儒

郡邑所志以人物為重大可以補國家史傳之遺而亦
亦可以為鄉里之所矜式故覽其山川則必稽其人物
然後及于草木鳥獸昆蟲而其風土之全得矣蓋人物
之生必本于其山川鬱積清淑菁華之氣氣開則人物
章光氣衰則人物靡薄大抵然也周禮言山林之民毛
而方川澤之民黑而津邱陵之民專而長墳衍之民贅
而瘠原隰之民豐肉而瘠則言其形而性情攝焉矣淮
南子曰谷氣多痺邱氣多狂衍氣多仁陵氣多貪管子

曰地者萬物之本原諸生之根莖也美惡賢不肖愚俊之所由生也水者地之血氣如筋脈之流通者也楚之水淖弱而清故其民輕果而賊越之水濁重而洎故其民愚疾而垢則言其惡而能不為所囿者其美可察矣信豐居嶺北江南之交風氣兼含楚越文信國言贛州稟嶺北偏陽剛燥之氣其人可以理義感而不可以刑威服則信然矣三代以上此方風氣未著自唐已設信豐考之唐宋史俱稱上縣望縣而人物乃有明以來始著則未知其所以然也意者地連閩粵多高山峻嶺宋元以來寇盜盤踞典籍不存故無傳焉或有之而非大著于天壤為天下指目者故他邦得以據之而此邦失其傳與否則此邦文獻無徵而散在他地者莫之檢閱也夫莫為之前雖美弗彰莫為之後雖盛弗傳以是知搜訪遺編廣求證據不可廢也傳曰無美而稱之是誣也有美而弗知不智也知而不傳不仁也願與此邑英賢廣求遺逸凡所採取既不失之誣又不失之不智不仁斯人物之傳信而有徵矣

行業

明

劉實字友信襦祿失怙比長潛心理學博通經史建文己卯

領鄉薦歷官刑部永樂初上命吏部簡拔殊才授廣東道御史錄大辟囚數十經讞決者羣服其平時有鐵面御史之譽丁母憂歸服闋授山東道御史旋奉命巡按陝西時甘肅行太僕寺馬政照刷多弊按察以聞上謂實嚴明并以馬政屬之適詔下恤刑遣官分行天下都察院奏陝西有實在遠賫勅以付因命考察諸僚條稱職者平涼守何士英等八十二人不稱職者慶陽守劉愷以下二十二人疏上黜陟一如其言復命就京職時御史有不敢直陳者悉以屬實無切直以諫上怒下獄獄中復上疏請戍遼陽卒遇赦家益寒極歸于信

右本已亥舊志下注據舊志增誤查丙戌張志相惟張太史郡志則云時上英明奏事者多震恐實丰采巖峻同官多推讓一日事當奏偶依違被劾下獄與此判然涇渭下注云據舊志增誤則未知何據也其辛巳二月月歷政刑部下不注何官則諸本如一云

黃閏字基餘幼穎敏不羣十六領鄉薦踰冠登永樂戊戌進士授翰林院庶吉士名振館閣同進者忌之性狷介在院九載左遷儀隴令興利除弊民甚德之卒于官年僅三十有一所著有竹居吟稿四川通志載名宦中略曰政尚嚴明人不敢干以私時有鐵知縣之號見通志祀鄉賢

黃德溫字伯理登正統戊辰進士初選考功主事英廟北狩時有內侍黨王振者旁叱言官于監國前德溫奮起批殺之血凝朝衣王太宰呼為一代豪傑後遷兵部武選司抗疏劾武臣怙勢求遷者戎政一清未幾以事出判鎮江府掌馬政鎮江有牧地數百畝為豪右所壟德溫按之豪賈金百鎰拒弗受竟復其地平生廉介剛方門無私謁疾革舉家禮授子震曰以此治吾喪毋崇佛事以壞家法家歲有慎菴集 見通志祀鄉賢

張尚瑗曰北狩監國批殺錦衣馬順于景帝前者王莊殺竑之事所謂王給事名震天下而信豐志以為黃德溫此正與呂禎隨陳東伏闕上書相類蓋一時義舉倡必有和正史書其首事而慕義同聲者亦別書互見以垂不朽此家乘地志之所不容已也聶政刺韓隗而周策又稱陽豎司馬錯為秦謀滅蜀而華陽國志乃有張儀之蹟同功並名之足資考核者豈少哉

劉時省字日孜正統間以貢授黃陂令廉正剛方苞苴枉絕丁艱歸服闋補樂清令清操如一出郊見枯骨輒瘞之民頌詩曰頻埋白骨能捐俸賸黃金不動心蓋實錄也 見

通志祀鄉賢

王京字宗周成化己丑進士壬辰授刑部主事癸巳山東饑

奉命往賑多所全活乙未陞員外郎讞獄南畿平反為最
河南有妖言獄久未決司寇奏委能者京往不兩月盡得
其情陞郎中出守瓊州瓊人以訟逮繫者數百人京日召
囚四五人至庭諭以理法即時咸服不數月囹圄遂空瓊
父老喜相謂曰吾儕何幸復觀伯貞公耶伯貞前太宰王
文端公父字也名泰永樂中守瓊有仁政故以相比云丁
父憂去任三年特詔吏部起補舊郡瓊人聞公復來老稚
皆色喜既至而生黎願為編戶如熟黎者十餘崗亡何得
疾卒瓊人不忘其惠愛建祠專祀焉 見通志祀鄉賢

曹明字文輝素負才名貢遊太學景泰丙子領鄉薦通
州清操絕倫常督軍儲例有饋金一無所受未幾引疾致
仕 見通志祀鄉賢

俞溥字德洪文章名振藝林為陳白沙先生高弟弘治闈貢
授涇府審理正屢迄終養不允五年以憂歸服闋不起關
館談道以昌來學疾革猶整衣冠端坐與學者講尊德性
章而沒 見通志祀鄉賢

江潮字道充領嘉靖甲午鄉薦初任長沙府推官操持清謹
一塵不染憂歸起復補桂林性鯁直疎于承奉歷任九年
轉德府審理以疾歸囊橐蕭然家徒壁立日以詩文自娛
年九十八卒 見通志祀鄉賢

甘士价字維藩號紫亭家貧力學具文武資萬歷丁丑進士
令熙縣以廉能調丹陽擢山東道御史時臺諫務名以糾
劾閣臣爲賢士价曰朝宁間不以國計民生爲務而日事
爭訐善類相攻儉人得乘其隙政柄必爲之移東漢甘陵
唐白馬之禍不遠矣乃上和表一疏中外躉之視巡山海
居庸紫金等關講武勵兵修築墩臺補植樹木其編發抽
掣及召募宿弊一清更閱薊密永昌保定等處時兩關欵
塞之後邊釁未啓久詔停免臺臣閱視之役茲特勅復行
之士价一一親履其地險阻增設若干兵馬添福若干器
械整造若干監法當如何修舉番馬當如何收買積年冒
濫軍功一切釐正京盤錢糧勘覆工程未奏報者并入奏
報已丑秋按楚楚饑設法賑之辛卯按吳以鉏擊豪強名
尋掌河南道卽司大寨會大理右丞缺御史陳雲登應授
內降以予士价冢宰孫復爭之遂並停授而上心重士价
旋擢大理左少卿己亥以右僉都撫鳳陽丁內艱歸起撫
兩浙濬南湖灌田以萬計戊申浙大水稽天之浸相傳二
百年來所未有士价疏留漕糧若干萬石貯發武林常平
賑之更引宋紹興故事請發內帑又乞蠲織造以甦民困
建虎林書院與生徒講學其中每開講必疏解條鳴大學
中庸之旨其初登鄉薦時制藝用學庸序語或誦之曰君

學號淵博乃熟讀學庸序耶士价應曰昔范希文教張子厚讀中庸子生平所學正在此甲戌闈以用中庸序語見黜丁丑仍用之得第蓋學術原本若此戊申以大理卿召未及代而卒浙人立專祠祀之見通志祀鄉賢

黃思賢字希齋年十二入邑庠洪武二十八年貢入太學授刑部主事明年遷山東按察司僉事後左遷蘭州吏目贊襄治理得吏民心通政司奏復原職即命巡按遼東政尚寬恕不事苛察又命巡視河漕監督有方又命疏濬河渠軍民稱便事畢復命而疾作焉卒于京邸年四十有八生平蒞官臨民一于和敬故事無不舉人皆德之

戴源修字時敏號西澗成化五年拔貢初任永春勵清操憂歸泣血三年如一日服闋補福建德化縣政簡刑清囹圄一空捐俸設立義學教育英才以年髦致政歸士民祖餞百里外依依不忍舍事載德化崇祀名宦志中

黃大節字斯立號庭翠少穎悟落筆驚人領萬歷癸酉鄉薦丙戌登進士授太常寺博士時神宗儲嗣久不定大節上疏請冊立東宮劾首輔王錫爵事在萬歷二十一年疏載藝文志卷中後遷禮部儀制司主事轉湖廣按察司僉事未之任以憂歸時萬曆二十八年庚子歲也服除起用浙江按察副使不赴家居肆力經史杜門校讐當道有爲節

門下士及同門者遣使通候僅一函酬答絕不他及邑令
丁祭不肅委官代祭鄉賢以書責之愧謝不與見其嚴正
如此年七十有一卒 見郡志

許廷用字必輔由貢授漳州推官以清慎勤揭之座右尋歸
斷桂樹而亭之 日與諸耆舊觴咏其中漳守陳高梧與同
官其後巡撫江西數迎之不赴卒年九十有六 見舊志

鄧友誠由貢授寧波照磨居家孝友蒞官勤慎有所委不以
卑官自視悉准禮法 見府志

胡璉天性孝友由貢授博羅知縣政尚豈弟縣治濱江多水
患璉捐俸築堤預防民皆德之 見府志

謝堅字玄石領萬歷甲午鄉薦于古文學韓昌黎喜汲引後
進筮仕台州大平知縣以廉能特擢知湖廣德安府未任
卒家居嘗立崇正書院講學學者稱為白雲先生 見舊志

李乾瑞字應卿號崑廬授廣昌訓導值督學黃貞父檄取優
劣同官循例開報瑞獨請報優同官以例爭之瑞曰庠無
劣生不亦善乎列優以上其不暴人惡多類此毋訃至徒
跣奔赴伏棺晝夜哭形毀骨立遂寢臥于其側至下窀穸
乃止

戴應舉歲貢崇禎初任吉水訓導常署教諭事當歲試學使
者檄舉諸生優劣行應舉以優上諸生中有為鄉貴人所

惡欲中以劣屬之司李司李方攝郡篆以檄責應舉應舉
往見司李言吉水諸生傳經餬口無可當劣者惟貴人子
弟間有不如法如必欲上當舉之司李怒揮之出曰癡教
官也應舉出請告去吉水曾大本感其義為作癡教官傳
載吉水縣志名宦傳中

國朝

張濟美字在中號澹仙為諸生時循循雅飭貢授廣信訓導
陞南昌教授恪恭和易上官重之告歸里邑令一謁外不
事干求篤厚周慎有古君子風

袁坻字聲倩號醒菴陳學工制舉業庚戌科貢於大廷名第
二除授峽江司訓課士有方擢山西交城縣丞蒞任日適
大尹告休命坻攝篆時邑中磁瓦二河霖雨衝央為城害
坻捐俸鳩工修築交人勒石頌之以老乞歸父老攀轅泣
送者數十里

劉應京字御城幼岐嶷好學負大志能濟人窮困患難不欲
居名邑有乾鹽餉甚厲民大賈張某運鹽到邑昂其價人
嗟淡食賈自稱藩商倚勢橫行應京訟于官鹽價遂平邑
中稱之

字濂水由例貢任四川丹稜縣丞蒞任七載惠愛清
介有正聲士民戴之去官日繪其像

俞世治字和衷號臯亭雍正四年舉于鄉十一年成進士授兵部職方司主事有以衛官冒營缺者案已成力爭於朝班正之因是有公直聲以珠才調吏部充則例館纂修凡四司難決之案爲剖析釐定補文選司晉員外郎京察一等選政有紊亂者雖議已行必躬與大僚力陳不可得正乃已滿漢聞之靡不聳服乾隆六年詔以山西吏治廢弛舉部員往振刷摺爲第一知平府事有誣霍州民張某毆大功至死者獄詞治道訪得其誣躬爲訊讞察其傷述甚微知以他疾殞命遂力辨雪其冤出之囚知諸獄多不實必一一按覆得其情乃已所平反不可勝舉獄無冤民然亦以是與上下有間言改調澤州居四山中夙號多盜治念惟民知禮義可以化之乃建立書院躬率郡士爲揖讓禮與之講明程朱性命倫常切用士風洽然玉變捐俸修普濟堂棲流所以贍窮民俾無失所其他彈盜賊嚴賭禁外執法不撓而內以愷惻行之故勢豪不敢肆而良民樂其恬愉有俞生佛之號年未七十引疾歸囊橐蕭然杜門讀書不輟子端另有傳毅舉乾隆九年鄉試早卒

俞端字紹呂號立山生之夕祖夢麟一角入其室旁一人云此角端也遂以名焉幼穎異至性過人不畜私財雍正六

年以選貢入太學肄業爲上舍助教劉公方雷學正雷公
鉉互爲推轂大司成孫公嘉淦欲特薦舉尋以罷職不果
方公芭溪器重之因受業焉舉乾隆三年鄉試授廣豐縣
教諭廣豐有學租例以教之正副分多寡端悉均之倡修
倫堂尊經閣與多士講肄其中研究實學多所成就六年
任滿膺薦揀發山東委署日照縣剔弊安民循聲茂著適
昌邑偏災委賑脩極勞瘁疾作令請往代謝曰王事也烏
可貸力疾往甫畢事卒于署

謝越字鳳西別號傅天幼嗜書不諳生產弱冠後即授徒自
給無師資而能自力於學潛心經史康熙乙酉舉于鄉任
廬陵縣教諭諸生進謁最修立品士咸悅其諄誠後
年老乞歸皆依依不忍別爲文歌誦之居家率族中子弟
課於祖祠躬加校閱多所成就倡建宗祠續修譜牒立祀
田以睦族孝友仁讓之風老而彌篤務學孜孜集先正格
言以訓子弟有子三人二舉于鄉能世其家學

謝升字第藩賦性英敏年十三喪生母曾氏哀痛異凡兒家
貧棄書服賈以供孝養再事繼母能曲意承奉得其歡心
皆曰是善事我亦均愛之如已出父年七十餘升小心慎
事恣父意所欲爲不惜財力供其揮霍父亦謂已有良子
其于兄弟間毫無異同之別哀多分寡均財協志怡怡如

也。升身雖與仲弟服賈而力勗諸幼弟以學厚給資脯遠延名師廣購書籍以振興家聲爲務傾心結賢所交皆一時名輩父葬會者不遠千里諸公聞其哀聲察其儀度皆爲心肅朋從間有一事之美一言之善皆心識之蓋卽以是爲學非務交締博聲名已也子弟有儁良者無問親疎給之薪水膏火以成其業歲饑有號呶欲興肆奪於衆者爲開諭各予錢穀以濟之衆得安堵水災漂沒田舍則爲按戶調恤以復其業推餘潤物無德色焉乾隆十年授例選浦甯浙鹽運副使浙省值辦萬年古木事甚繁劇方伯潘遵微委辦未及三月而就各大僚獎稱異才堂寓江寧陳木商諸害累于官悉得報罷卒贈奉直大夫兩浙觀察寧紹台溫鹽運使副使

表鍾秀字耘湄號芝田饒州訓導瑛之孫也瑛之伯崇雅與瑛以明經著稱鄉里鍾秀幼爲瑛所鍾愛及就傅戲爲文瑛見之竊喜雍正壬子舉于鄉乾隆丙辰詔方苞等撰錄遺卷登二甲進士選四川之隣水俗健訟多壽張假梅以試令初至訟牘二百餘乃一一親質得其隱情剖決如流訟者半息夫役舊例派供于鋪戶縣正佐及營弁分領河道官塘責網戶歲納魚課悉罷之民勒碑以頌江津有嘲魯表孟世者拒捕傷官久不得鍾秀一日擄獲囚人火

史嘉之有華銀山界重順二郡跨邑與巴縣合州岳池奸民盜取硫磺捕之則旋散旋合隸互以他境相委事發則官受其累鍾秀戒隸不得以區域為限立重賞購捕無遺躬至山周察形勢圖其途徑請設卡撥兵移豐和通判分轄之以善後事皆允行而川多巖壑廢寺為奸匪所潛臬司奏允填塞折毀以杜其弊鍾秀以邑無書院乃即以毀寺之材修建書院而籍僧田之無主者以充生徒膏火臬司是其議令他邑悉次第倣行乾隆十一年有僧衆至邑被獲時匪犯劉竒事覺頗駭僧怪誕鞠其徒則曰寐龍也申報檄未下而僧死於獄乃釘其手足于棺而瘞之九月詔使偕臬司及順慶游擊領兵至趣令速具狀問寐龍之屍保無恙乎衆皇駭不知所謂啓棺則屍尚未腐而釘迹甚固因驗左乳及右股勞之曰信無誤辦事如此可稱精明周到矣乃寸磔其屍而去後詢之曰禁中傳寐龍左乳有肉痣右足黑子象七星能尸遁死乃幻也以功議敘會嬰疾固請乞大僚咸以其去為惜

忠義

元

黃學文由薦辟至正八年任荊州石首縣尹十一年冬十月徐壽輝陷安陸沔荊等路學文孤城據守不支城陷不屈

死舉家被害雍正四年題忠義祠

明

林濬其先分宜人祖安以百戶于洪武二十五年調信豐所
父斌襲職從征交趾有功陞副千戶濬于正統六年襲父
任勇敢有略十三年間寇逼石城主將舉濬往禦濬慷慨
奮發擁兵疾馳至則堅城固守賊日衆救不至城瀕危力
戰而死見張保安舊志

吳遂天順成化間兩捐粟賑濟所活多人事聞特賜璽書授
承仕郎監坊旌表家建有勅書閣雍正四年題祀忠義祠
黃均字一氣讀書明大義成化二十三年丁未石口賊楊九
龍等攻破縣城贛兵備道李轍督兵進勦遣鈞領民兵追
賊於安遠縣龍安石口等處都獲賊首數人巡撫都御史
李昂鐫功以聞勅賜冠帶後奉委運上用顏料銀至京師
縣辦不如數鈞貸補捐已財清還

謝錠字象山國學生倜儻不羣多智略嘉靖乙丑六月龍南
賊賴清規出沒小江等處錠伏鄉勇於山谷時叅將蔡汝
蘭與賊戰佯却伏兵四起前後夾擊賊敗逃竄錠率鄉勇
以所奪賊旗幟先踞其巢又敗之清規走投逕腦賊黨登
東湖十一月復報捷督撫吳百朋嘉其功授行軍通判辭
不就

甘宜鷗素負謀略尚義好俠每聞驚報輒奮臂欲往人皆冲
之崇禎二年流寇鍾靈秀攻陷安遠邑中震橋宜鷗爲千
長團練鄉兵乃召境內有膂力者深相結納日食數千人
如此彌月率之防護卒保無虞縣上美事於軍門授贛鎮
中軍 見舊志

吳維芳天啓二年府貢後任太平縣訓導賊破死難 見張保
安邑志及府志

國朝

黃一爵字君祿少孤事母至孝順治八年粵寇竊突邑令吉
允迪奏南贛撫劉武元檄徵一爵督軍一爵出奇制勝擒

賊首三搥巢三招撫一授軍門守備以諸將爭功辭不就
見府志

來盛者曹觀光家僮也觀光與金聲桓之謀而逃官捕其二
子曰岱曰修修甫數齡岱稍長來盛與修齒相若其父某
願以子代曰吾主血嗣盡於此不忍見其並刈也捕者義
而許之修得逸來盛偕岱繫贛獄數月並死東市 見府志
或謂來盛數齡小兒而能捐身以代主雖古神童未聞
有此而謂奴僕之孩穉能之乎然檀弓載戰于郎重汪
跣死馮魯人欲勿殤重汪跣問于仲尼仲尼曰能執干
戈以衛社稷雖欲勿殤也不亦可乎則有殤而能死義

者矣柳子厚傳童區寄十一歲子也而能殺二掠賣人之盜天下事原有出人意計之外者與其過而削之毋寧過而存之

孝友

明

馬麟百戶駿燕弟駿因事毆殺人當死令甲武臣服重刑拔黃革襲麟嘆曰伯兄罹罪而墜世勳先人汗馬之謂何遂毅然以身代繫獄十年景泰改元大赦出獄時年已六十矣初無嗣晚年連舉二子年九十七乃卒人以爲孝義之

報見通志卷鄉賢

黃學邑諸生少失恃事繼母張氏盡孝嘗赴省試母病即戒行朋儕相慰止之學曰讀書所以明孝也知母病而不躬侍何以書爲竟歸因棄廩終養八皆難之見郡志死鄉賢

李元祺字承百八齡喪父竭力事母未嘗一日離左右寢食湯藥親嘗視母卒廬墓朝夕擗踊三年如一日鄉老上其事於縣卒年九十有三羅修撰倫贊其像見通志祀鄉賢

曹藻字子新邑庠生父鼎以家奴犯辟坐逮郡獄鬱病文宗藻侍病左右晝夜不離衣不解帶及卒抱父屍出歸葬哀毀瘠眵而終黃稽勲注爲之贊見舊志

吳良臣親死自傷無以爲禮負土成塋架茆爲屋廬於墓傍

哀聲達遠近三年如一日 見舊志

黃崇秀字思江年十五父病侍疾衣不解帶者五年及父卒
口號于墓側又拮据力田以養母母卒營塋伐土下有舊
穴崇秀曰吾欲塋親乃遷他人父母骸骨乎更塋母于他
所撫兩幼弟同居三十五年以腴產分給之自取破瘠而
已初無子年近六十妻年五十餘而生子一爵人謂盛德
所致 見府志

曹增重幼孤母有痰疾十年不瘳增重日夕禱于天夢神示
以方進藥而母愈時值兵亂母避山中遇寇將刃之重跪
泣曰寧殺增重毋傷母也賊感其誠並釋之 見舊志

張序字培蓮性友愛兄廩卒遺孤四序撫如已子析產悉以
膏腴畀之邑學宮迫隘序獨捐三千金買民房拓之嫗族
為其殮塋婚娶者二十七人 見府志

國朝

李熾字莛生邑庠生弱冠即善屬文性至孝事親先意承志
親病藥必親嘗親沒哀毀骨立平居操行方正不媿衾影
昆季怡怡數十年如一日里中有窮迫者輒周其急不欲
人知子孫皆恂恂能世其家學人咸謂貽謀之善云
鍾萬邦母死鍾少歲失聲既塋夜號宿于墓側父憐之命
之歸不設寢三年喪不入私室 見舊志

曹久光為邑諸生父死事母郭氏就養無方邑令楊宗昌奉
巡按御書之萃舉孝行以久光應李訪人言無間以讀
書守禮禮之七年九十二卒哀毀三年不與宴會 見舊志

戴用行邑庠生里推行誼公舉善人巡按使者旌之曰孝友
性生忠誠天植侍疾而衣帶不解處眾而肝胆必孚入囊
介年鄉飲長厚之德一經教子岸景式穀之風 見舊志

陸岫凌好讀書訓蒙于鄉聞父病亟歸父死愴痛及葬掘草
舍于墓側朝夕哭者三年事聞于縣以米肉旌之 見舊志

戴啓文字開運時喪亂與弟俱為寇所獲欲殺其弟啓文號
泣曰寧殺我乙留弟賊義而釋之 見府志

廖守相季弟字模幼父母愛之順治二年四營頭寇邑地守
模被執母劉聞兒擄恸仆地相救甦慰曰兒當捨身救弟
遂以百金往贖賊不可泣懇賊感其義釋之兄弟友愛彌
篤年八十三而終

廖乾瓊守相季子也事父母以孝聞祖持正莖本鄉田山山
乃吉郡張宦產也宦僕至有詬語相不懌臨終囑其子曰
余生平無所遺恨惟祖塋在張宦田山貽僕人口實爾等
倘能購得此田後嗣其寢昌乎後瓊果以重貲售田克繼
父志年四十九生子應昌晚年尤力行善事貸穀于貧乏
鄉鄰不取其息壽七十四終

周之禎字伯讓父歿母愛憐之予白金三百禎悉以與兄後分爨念兄人口耗繁凡遺產業十讓其七里中推其高誼縣令張執中為之傳

戴國寧字伯靖性至孝孺慕終身丙辰避亂山中父病思食山麂肉時山中多盜國寧竟入山捕麂弗獲晨夕悲號忽一日衆犬逐麂至寧執而烹之以進人以為孝感所致

李廷鱗業儒天性純孝父患病廷鱗延醫調治罔效默禱于神願以身代疾愈因念人子不可不知醫遂棄儒業精醫李隆音年十五歲父病幾危醫無可治密禱于神引刀割股和藥以進父病即愈時邑令鵬雲旌之

劉應倫字汝仙事二親先意承志平居以詩書課諸子長子天揚司訓鄱陽次子天掄名著成均

劉天霖字子瞻性孝有異姿弱冠為弟子員康熙癸亥選拔授分宜訓導不欲行親強之乃果尋以終養歸定省無倦親病藥餌必自奉後居喪孺慕如一日服闋補安福繼母強之行不從誠孝篤于所生其事姊存沒無間可謂孝友矣其好善樂施人多賴之

段天錫天賜兄弟篤于友愛丙辰寇亂父母俱患危疾悲泣籲天乞代而疾愈兄弟同心經營家計梅嶺過山夫役應差甚苦黠者復為抽替天錫捐貲置祖膳之行旅感德子

斌以進士選侍衛錫受封如其官

周卜年性孝義母病癱瘓臥床褥十餘年藥必親嘗衣不解

帶如一日後嫂亦癱廢調護如母然鄉人稱為孝義

姚之璽字百揆邑廩生性至孝冬溫夏清克盡子職丙辰寇

至偕父避居崇仙水西時寇擄掠索餉家業遂空父死恨

不能厚殮雄胸飲血日夜哀號竟以痛傷殞命

郭顯攻九歲失怙及長竭力事母克盡子道母死居喪形毀

骨立更篤於友愛與其弟怡怡一室有田荆妻被之風年

七十九卒

林作周髫齡喪父竭力以事寡母母患病幾危作周默禱于

一天願以身代鄉黨稱之

黃尚思字惠生篤於天倫奉二親生養死墓竭力盡職撫幼

弟婚娶教讀友愛備至鄉黨稱之無間言

戴國治字智生邑庠生丙辰寇亂偕兄避居鄉園寇又掠至

圍中人盡竄時治兄患病將死携幼侄抱兄於臥榻悲號

寇詰以不避故治曰兄弟本同根惡難何忍棄寇憐之不

侵擾而退

郭達人字建寅賦性渾噩不事彫琢善事父母克盡子職父

司訓鉛山母亦偕往達人思親不置每歲必詣署省覲及

解組歸二人相繼歿達人哀毀骨立治喪盡禮鄉黨稱之

信豐縣志 卷之六
曾玉選鄉里小販也有母蕭氏平生畏雷及卒擇地而葬每當雷雨時玉選即棄生理奔墓跪泣曰兒在此後結廬墓旁里人憐其孝贈以米

戴國瓚字暘生歲貢考授訓導敦孝友一違親志戊子寇亂叔父為賊所擄父憂鬱成疾瓚時年八入賊營泣求身代謂吾尚有弟叔父無子情詞悽切賊義之遂兩釋歸生平嗜古勤學而謙厚其子士弁入庠序亦善事母

曹淳字泰璞邑庠生七歲失怙善事母家貧嘗傭書以供菽水先是父兄弟五人共有田租二百八十石俱歸伯叔然湯盡旁觀不平淳獨相讓以全骨肉之情積館俸為弟完婚配教子惟以讀書立品為先藹然有孝友仁讓風

謝君字連雲居常以幼失怙為痛母年八十壽終勺水不入口者累日季弟幼盡以分授已田歸之弟歿母所分接私券悉以與姪所居素山山水壞田捐費築堤遂成膏腴數百頃足跡罕入城市雍正十三年邑侯陳乃志舉鄉飲郡守汪弘禧誌其墓

李武發字繼文邑庠生孝友肫篤康熙丙辰避寇居安息之流水寨賊攻急武發奮勇捍禦力竭被劊賊劫其父去武發強起號泣隨之乞以身代賊不許復舉矛刺中右目血流被體仍挽抱不置賊義而釋之乃繫其弟去武發繫囊

赴營哀贖得歸後父歿析產弟以分業補償贖金武發曰
雖予囊父在猶衆也堅拒不受有所修舉不惜貲費以利
衆及老卒邑令葉光龍私謚曰剛毅邑令黃之徵銘其墓
曰孝善

謝紹遷字隆爵邑庠生事親色養居常在側如孺子之相依
加衣進食必躬親之不以屬僕婢浣滌泔掃長如一日親
憫其勤勉以勵志顯揚紹遷懼重違其意乃負笈遠遊一
夕思定省心怵怵不樂遽束裝俟曉速歸母適瘖病家人
方欲發使趣紹遷歸其母曰不必也彼自歸矣乃撫床呼
呼而紹遷適至自是侍藥衣不解帶母卒苦塊中鬚髮盡
白後遂絕意進取不入州府與諸兄弟同居一堂築搆山
書屋以訓子弟雍和之氣溢于門庭

吳元字敏集邑庠生父與二兄俱早逝依依母側每臨及
兄弟泣輒交下母周中年足折越十載復喪明宛轉牀簀
間痛楚呻吟元撫摩嗅味殫極艱辛揣其意指先爲承順
俾忘其視履之艱洗膳滌滌始其恒職里人皆目以孝
施日琮字世珍幼爲寡伯母張氏所撫日琮以伯母疾節孫
苦乃棄書營養行賈于外貨甫遠主人之家數日未及清
付聞母疾急馳歸朝夕侍之而愈再抵商所駟僮者感其
誠增贖其本有同懷弟溺于飲博頗涉狂悖日琮荷之毫

無疾氣乘間則戒之以禍機不從後果罹刑辟力營救出之弟亦感之而變其行

陳士邦家貧獨立有至性力田事親極盡孝養父母卒士邦年五十餘矣哀泣無異孺子白冠草履三年如一日七十有二卒鄉里咸稱爲盛德長者

胡聖輝初習儒業家貧棄學力事蔬圃以養親父母俱年八十餘歿聖輝亦六十餘歲矣親寢疾時衣不解帶日夕憂禱鄰人憇之聖輝泣曰生生世世能相復爲父子母兒耶居喪哀慟自毀旋亦棄世

文儒

明

俞慶字子有篤志問學泛觀博取反而約之身心領正德庚午鄉試尋歿王陽明歿之曰嗚呼慶也歿寡其遇而未能蓋駸駸焉有志而未覩其成也太史舒芬爲之銘見舊志

黃濟字子舟少孤力學默誦諸經史不誤一字長於議論御史周進隆督學邵寶亟稱之期其大成未第而卒著有經疑一冊藏於家見舊志

張淵字時躍號雙山自少以奇童聞嘉靖壬子領鄉薦肆力經史留心吏治歷知旌德鳳陽皆有惠利及民善爲古文詞中都志所載議論鑿鑿可行竟以介特忤時不獲展其

才用當時為之慨嘆云 見舊志祀鄉賢

黃注字汝霖嘉靖戊戌進士少工詩筮仕於浙之長興得山水文物之鄉益自喜日吟討于顧渚箬溪間若郡賢士大夫多樂從之遊識徐中行於諸生中以國士目之授以詩法時李攀龍王世貞以力追開元大歷為名號而注詩法與之符契中行學成通籍遂與李王等齊名稱五子識者謂其藻繪雖工而天趣不逮注後注內權稽勳司主事時臺省有忌其才者遂罷歸居數年以疾卒生平著作甚富將終命焚其稿曰古人以立言為三不朽之末予過玷青蠅雖行如顏冉人弗之信何以詩為二子芝苕拾諸燼餘僅存數百門人俞琳與徐中行編次若丞會稽乃付梓琳為序號小峯集 見府志

俞獻可字九河能文章旁通星象歷數兵符術少保胡宗憲辟為幕與徐渭唐順之茅坤友宗憲平倭及制三邊諸紀績碑文多出其手後官平南知縣陸涼知州俱有宦績 見府志

張純字懋一天性穎敏篤志力學至京師就翰林景陽學為文根極要領名動一時領嘉靖壬午鄉薦 見舊志

馬之驥經史淵博嚴毅特立萬歷二十七年選貢謁選考中知縣因策聯中有召對無期三公何由而啓沃廷推屢格

九卿盡屬於代庖之語主爵忌之歷選無錫縣丞陞滁州
州判北流縣知縣

俞琳字聲甫號靈麓夙負奇穎日誦千言家藏萬卷涉獵俱
徧天文地理無不旁通善古文詞尤工聲律下筆千言立
就為諸生時為海內名公鉅卿所賞識阨于遇俛就廣文
生平好古嗜學自少至老雖隆冬酷暑把卷不釋手人咸
曰為玄晏先生著有還讀堂稿 見通志祀鄉賢

俞樞字學海六歲失怙及長事母以孝聞博通經史與楊以
任為文章知己以貢授華州判官時兵興旁午樞督運軍
儲潼關道嘉其清慎尤重其文薦于朝以母老辭不就官

國變哀憤卒 見舊志

戴蓑字初田貧而好學教授生徒多方陶鑄所著有鳴軒集
行世 見舊志

黃戴字九維邑以望族稱者黃氏為最德溫考功大節副
使以氣節重而閏注以詩文顯戴立承家學與兄承基並
以才名見推鄉里戴立入南太學逸采藻思詣然留都多
長者戴立與之遊所嚴事若湯養伋曹能始王永啓肩隨
則林茂之侯蓋夫吳康侯而尤與鍾譚楊權風雅張其壇
社焉著有醉石諸稿其後人善詩者天策天梁尤知名 見
府志

黃承基字履農澆貫六經能探朱程淵源之要旨倡明理學
邑中有崇正書院當事常請以主講席至今後裔能世其
先業云

吳人先字景讓前明名諸生究研理學絕意功名杜門不出
自號清權逸者工於詩著有清權韻餘孫嗣玠邑廩生捐
介力學年八十有一屆貢期而卒

郭君聘字修野明泰昌元年恩貢崇禎三年授福建建寧府
通判以運解金花赴部優敘歷署將樂松溪二縣所至詭
民間利弊力為興除遷雲南新興知州建民之送者數十
里不絕至真歲餘以家遠以老乞歸養去之日囊無餘蓄
僅大理石二片而已家于邑之龍洲不關人事惟以詩酒
自娛楚黃劉牧鞭水豐程九屏雩都易去浮時相遇從名
其居曰風雅詩即以為名沒後寧都魏禮序而權之謂字
句不落古今人谿徑刻意標持取尚在黃山谷陳後郎之
間云子壯觀以例貢任廣東興寧知縣

國朝

曹宣光字三德號浚甫膺順治六年恩貢性剛直行端方學
尚純正博洽多聞素為邑人士所敬服自王文成鎮虔州
虔之士講陽明學獨盛宣獨出已見於朱陸異同處反覆
詳辨以折衷至當迴狂瀾于既倒亦羅整菴之亞也康熙

初年前令楊張後先延修邑志知宣博學有守士也執筆
嚴謹論列詳核楊令稱為簡而不肆直而不浮後易去浮
修雋誌徵志本觀之亦嘆曰三代直道猶見于今年七十
三卒自題其墓曰非仁無為非禮無行見賢思齊見惡內
省心凜暗室鑒質明廷過而誦之可以想見其為人矣
黃定中字于性性嚴謹不苟訾笑步履有常度順治甲午膺
選拔入太學受知祭酒吳梅村不樂仕進歸而鍵戶著書
邑大夫至必造廬請謁惟一答拜而已絕不更往里人咸
欽之曰吾鄉王彥方也

虞字耕山號漁舫一爵子為學尊朱黜陸居親喪不用浮

屠鄉里効之少遇高人授以天文地理之學其詩見知于
宋中丞榮及以選貢入太學王司農紳尤重之張令執中
修邑志以虞代鉛繫著有墨耕堂集地理統宗選有五大
家書鈔明四大家書鈔卒內閣王思軾擬謚曰文毅禮部
侍郎方苞表其墓曰君少慕范文正公之為人時誦其言
以自任為諸生清學宮明徵教官之罪無可抵冒諸生或
與縣胥鬪傷焉衆訐之語侵令令怒興大獄君獨身為衆
受難直於大府乃信其才與志之有以為乾隆元年以孫
世成贈承德郎禮部主事 見府志

賈自錦字及三與兄虞以正學相切劘逾冠舉於鄉先是邑

數十年無達者自自錦兄弟倡之而文學遂盛於他邑公車北上諸同人多溺情聲妓惟自錦與王宗伯思軾危坐講學因與聯姻然性情狷介鄉中碩望梅之珩魏方泰等雖相與引重自錦皆澹泊與處不為翕翕熱邑令方正玉張執中欽其狀貌豐偉氣度端凝皆以臺閣期之品高一時所居惟竹籬茅舍人所不堪常題其軒曰茅屋窄如船聊蔽風雨硯田頑似石那有稻梁其孤高如是諸丁皆以學著文侷其季也

戴蒼字紫郎邑庠生愷悌慈祥敦倫睦族兄早世撫三姪如已子課以詩書皆有名子斌戊午舉于鄉人皆謂其得過一庭之訓居多

戴荃字宰升博通經史年四十應童子試即受知于督學侯峒曾拔為弟子員屢戰棘圍數奇不售以義命自安讀書樂道至老不倦子姪皆成名振聲藝苑士林恒敬禮之鄧通儒聰明過人弱冠補弟子員為侯學使峒曾首選晚年樂志山林所著有蓮溪集

劉應仁字汝寧教子寒暑不輟子天宿得傳家學貢大廷除授萬載學博擢四川南部知縣行取工部屯田司主事李璋字錫侯六歲而孤穎敏好學弱齡為邑名諸生庚午鄉闈已入彀三場見厄未錄是年領歲薦中丞宋公旌以額

俊常集四書翼註教生徒老而彌篤

黃洪生字詞源戴玄孫世其家學爲文一本成弘規範蜚聲庠序少遭家難逆來順受歲丙辰流賊寇城下偕父挈家避亂有爲賊鄉黨者與父俱陷賊營洪生以智餌守者得脫生平孝友鄉黨無間言先民云士先品行而後文章洪生有焉著有靜虛堂集 見舊志

曹融光字三英淹貫經史工詩賦篤于孝友生平立品自愛足跡不至公庭著有履齋集

俞金字西成天性醇厚敦本力行事嫡母生母孺慕之誠終身一日兄弟同居合爨食片凡千友愛無間族黨矜式潛心經史研究理學足跡不履公庭專以訓課子弟爲事四方問業者俱有成就歲薦屆期服已闋當就試或先期越次躡取卒讓之嘗有以非禮犯者不與較其人愧而返乾隆二年以子世治贈奉直大夫著有四書書經集解曹鈺字九英賦性耿介落落寡合所交遊者皆談經論道之士究心書史一室藏修恬淡自如

曹世翰字文也號苑仙束髮通經早年食餼郡庠癸酉應貢以文章品行勵及門多所成立

郭逢年字鵬飛以明經任鉛山司訓振士習勵頽風邑有鵝湖書院年久頽壞逢年率多士修之歷任七載告歸

曹齊雲字仲溫宣光孫也融貫經史出語傾人爲諸生時學
使者咸以國士相許性嚴正執經者遍南贛陶鑄有方禮
法是飭以故門多貢行登巍科者後先相望邑令方正玉
延署西賓久益嘆其丰裁峻肅師範尊嚴加敬禮焉遊豫
章書院名噪一時與南昌彭尹作文尤契及會試入都門
不投一刺彭訪之乃相與握手道故生平所爲文概不集
錄以近於標榜惟試牘及墨藝爲選家所收者行世志存
經濟時見于議論惜不克展其用

查彬字經邦號萊溪領康熙甲午科鄉薦揀選知縣博通經
史究心理學工詩古文詞有萊溪詩集并制藝彙旁通星
歷地理數學孝友端方爲諸生時廡隅謹飭屢以文章譽
知於邑令然卒不往謁及公車北上歸不與外事與弟彩
彰建扶鳳亭舍講學其中塤篪唱和無間晨夕惟以實行
相勉耶務浮名邑令黃之徵劉錫瓚慕其品誼甚徵板之
每恨相見之難比于空谷足音年七十邑令葉建封敦請
爲鄉飲大賓觀者羣羨其不愧更老
周之鼎字友夏幼有文譽邑侯於萊溪嘗延爲諸子師鼎在
署惟以課業講習爲務絕口不言公事萊漪益重其品康
熙辛酉膺歲薦廷試授萊溪知縣而歸著書有詩文集四

卷

戴佩字詔尊郡庠生嗜學與其弟讀書梅花村中因自名
不與家事陶鑄生徒多成材尤精理學已
飲大賓

黃文汾字岷雪別號雲畦原名汾字方水幼失怙其母
成人父虞深研性命之學賓友
日用艱劇以及諸嗜好苟可以愜其意者無不竭力營
父將卒無一語及家政惟曰吾有子云事繼母不
異母兩弟一妹婚嫁皆從厚弟文沅卒於京師命于世
理其柩歸葬之弟儲無擔石為立後仰給焉新田黃君
入分居數縣為修祖廟立家訓治塾以課子弟族共推為

統長事皆請決十餘年少訟者年二十餘督學王式毅取
置郡弟子第一吳下張大受以書薦其父子於韓宗伯
曰黃君虞文華蒼老理宗程朱法本先輩其子文汾文思
敏妙門目中從無其匹都御史吳士玉嘗評其文曰黃君
為江西之雋吾友李牟山張日容亟向予稱道之兩賢故
非妄嘆者後乃為序贈之督學劉炎以博學宏詞試贛所
賞拔者數人而其父與其弟澍皆預因題其軒曰眉山才
而為之序雍正四年督學沈翼機詢知其不鄉試者數科
乃令人致書欲薦之入都書至不行明年贛南道王世純
知府孔傳熹復欲薦之使縣有司為勸駕會聞其下母憂

而止督學李鍾僑列之優品稱其學問精贍品行端純繼任傅王雲因按實舉行十年應壬子歲貢當選訓導以不願就援例休致得遂其終焉之志性好陶詩學無不貫而深于閩洛淵源旁通天文地理之奧以子世成封承德郎禮部主客司主事所著有雲畦詩文集竒字考藏于家制藝稿行世

黃文澍字雨田號石畦虞次子也至性肫篤六歲喪母及葬見墓則眾人皆異之質樸魯而篤志力學孳孳不倦幼即有志於身心性命之道常曰讀書當知律身衛道僅僅支詞未矣終年鍵戶廣摭博覽中康熙癸巳鄉闈副車後屢躋不售康熙辛卯與寧都邱昭衡會昌蕭尚履佐興國令張高瑗修郡志議論多合深為倚重是時所著厚載志禹貢集覽諸書已為士林傳誦而周易春秋尤殫心研究于古人傳注外必獨出已見析羣疑而定其解謂窮經于漢唐諸儒之前也難窮經於漢唐諸儒之後則易也又以正學晦而學者惑于邪說所以使其放棄大為世道人心之患不力抵眾山姚江之非宋儒之熾熄矣故皆有著述前令陳乃志力薦孝廉方正不就嘗講學于贛縣之冠山龍南之陽方大抵皆以求仁主敬躬行實踐為主既選弋陽縣學教諭也故無書院義學惟借僧寺為講習之地文澍乃

捐已作購地基期以次肇建而南街有廢基謀之郡守造
廬五區歲惟其值積為建造與膏火之資當事立碑表之
在官一以明道立教弘獎風化為已任課士之暇閉戶讀
書而已適 詔舉經學司院均以澍應會病卒卒之日囊
無餘貲郡太守時行部至弋為經紀其喪云著厚載志焉
貢輯覽左傳杜林續注桃穀志敬義錄童子問石畦集聖
學淵源地理圭醫宗輯略久大堂家禮經解經義制藝稿
俞世沛字堯薦喜為詩古文詞為人無他嗜好惟讀書是務
幼以疾滅左手諸指不能攬書家又極貧米鹽不充而好
學自若最為淵博有質以疑義及求其文者秉筆揮灑略
無吝惜亶亶不輟督學劉炎以博學宏詞試贛所取者凡
一人而邑得其四則世沛與黃虞文汾文澍也後督學李維
僑以精通經史詩古文學課贛合歲科二試所取僅十餘
人而邑居其八則世沛與黃世成黃天策曹詔黃千秋李
萼黃世威饒維達是也李學使數正言于諸郡學博生童
曰江西古學以贛州為最贛州古學以信豐為最是時世
沛老矣諸同輩有名者咸已得志或子孫繼起否則物故
惟世沛與長寧吳之章等二三人猶為諸生外耻與後生
為伍而內怯其風發獨世沛猶能以羸老抗體倔強無餒
氣與為戰藝年六十餘雍正十年始舉於鄉未及會試而

一卒所著有放泉集二十卷曹詒易名禾千秋原名文沅文沅維達俱未四十天各有詩四卷

李甲字學優年甫週嬰疾寇盜猝至父母棄之而去閱數日歸視猶未死乃異之幼讀書不勞而習爲諸生受知學使甚衆聲大著課業豫章書院一時名碩皆重其才思傾心下之性孝友一弟犯重辟于湖廣竭力救之傾數百金產始盡不顧也卒得生全而歸教授生徒無不欽其懇倒屣其德藝未及貢半年而卒師友間無不惜者

謝君試字臚傳邑庠生聰慧好學未冠入泮性至孝學足兼通顯以不忍離親故絕仕進念友愛二弟終身無疾言連色子若孫數十人奉教惟謹俱恂恂有禮法以仁厚遇鄉黨間有桀驁不馴者畏君嘗議多化爲淳良恤困憐貧捐租弛責毫無市義心屢舉鄉飲不就族中紳士交頌長厚君子焉年八十以壽終

黃登甲字漾鰲幼好學年十五督學王式棖首置膠庠以是知名其文多爲人膾炙然德性醇朴篤于仁孝雙親年踰八十孺慕不衰讀書于里之白雲精舍不以跋涉艱難間於定省雍正四年督學舉優行例當入太學以養親辭免居恒待人以誠不慕聲利蕭然塵埃之外卒老諸生

黃瀟字聖泉邑庠生少以文章與里中黃文汾同受知學使

王式震而文必苦心孤詣時江西五家之選尚未大行人
遂嘗肅為認父宸中精岐黃幼愛其術善棋二者亦以苦
心孤詣行之嘗有醫謁者曰是必窘極無可措手矣乃及
余耳而神妙徃徃在萬難中一轉移而即復當奕時即叩
以急務第頷之局罷乃徐徐為理嘉定橋燬艱于重修滿
囊無一錢大言曰吾即日舉之矣明日從人貸三十金市
木命匠擗之而架其上人得以行衆乃清費以復其舊咸
笑曰非謔翁一激不至此

曹登瀛醇謹謙厚補弟子員食餼篤學嗜古閉戶不問外事
家貧藉硯田以自給淡如也工制藝課子弟皆成名數苛
屢躋棘闈賈志以終

張鳴鳳字搖岳歲貢生幼穎異弱冠補弟子員雍正十年膺
一歲薦性謙和與物無忤人樂與之遊生平博學善談笑喜
恢諧酒酣耳熱發言傾四座混于流俗若不可一世六
子曼倩之風

黃昌邦字必藩幼家貧不能就傅勤勤力學苦心獨造諸經
子史皆能成誦事父及嫡母庶母調劑有術絕無違言雍
止四年舉于鄉屢上公車有經世志而不遂退而教授生
徒講求義蘊常著述以自娛至老不輟子姓多成立者

周淳字淑修領康熙丁酉年歲貢夙夜勤學著四書家塾纂

言周易合纂史評等書留心經濟邑舊食潮鹽淳具呈請於有司得改食惠鹽邑蒙其利選德化訓導未任卒邑令陳乃志私謚曰康靖

信豐縣志卷之九終人物上

信豐縣志續編

人物志上

行業 忠義 孝友 文儒

按通志人物傳本縣載明黃閏黃德温王京俞溥甘士价黃大節六人又附載馬麟李元祺二人 郡志人物傳本縣仕績載明劉實黃德温王京甘士价黃大節劉時省曹明許廷用江潮謝堅俞樞 國朝表鍾秀周之鼎謝越十四人 儒林載明俞溥俞慶 國朝曹宣光黃文澍四人 文苑載明黃閏黃濟張純黃注張淵俞獻可俞琳黃承基黃戴元馬自光郭君聘 國朝李甲黃虞黃自錦黃洪生俞金曹齊雲黃彬周淳黃昌邦俞

世沛黃文汾黃世成黃浦李暹達二十五人 忠義載

元黃學文明林濬吳維芳 國朝來盛四人 孝友載

明馬麟黃學曹藻曹增重謝為舉黃崇秀李元祺吳良

臣 國朝廖守相廖乾瓊黃日曜戴國璜戴國治郭逢

辰戴啟文李武發劉天霖周之正縣志作楨戴國寧姚之璽

周卜年曾玉選曹淳謝君宇黃右均謝虞賓吳元謝紹

遷施日琮胡聖輝鍾萬邦陸岫凌李隆音三十三人

行誼載明黃綸曹徽俞執中甘和鼎吳志通吳遂縣志作遂

吳昌嵩曹宦榮曾希仕縣志作曹希仕宋九經曹柏張庠劉應

京 國朝黃德仁謝國冠周斯忠黃天秩張集浩郭師

厚謝君寅謝君寧邱國柄吳穎達謝君試梁夫英黃登

甲劉國正陳堅周超謝啟均縣志作鈞謝升戴啟元謝昌謝

建吳廷章郭德灝康天詔藍華封曾綉峰劉高魁四十

人 耆年載明黃清 國朝袁大高鄒啟禴陸科詔何

慶永五人 隱逸載元劉貴一張立中明張省俞通鄧

宗堯李五行六人 戎略載明謝鉉甘宜鷗黃一爵三

人除舊志已列傳者不錄外有郡志已載而縣志遺漏

者一人及為郡志所先載者七人謹錄傳文於前以後

仍分載新採人物於行業忠義等門以符舊志

明

吳志迪成化間掄毅助賑賜旌表見郡志行誼傳

國朝

黃世成字培山乾隆丙辰進士授禮部主客司主事不務躁進窮治諸經剖抉未發之覆為先達李紱方苞所許可制舉文規撫歸胡章羅自成一家言詩古文皆有法度郡中文士推信豐黃氏三世紹其家學見郡志文苑傳

按黃培山先列郡志傳文頗畧今採得其家乘所載事實卓然為一邑人物之冠應補立一傳詳著於後

黃世成字培山號平菴志傳中虞之孫文汾之子也虞夢獲大黃鶴寤而世成生因呼黃鶴兒年二十七督學安溪李公

鍾僑講求經學古文入郡庠第一禮聘閱試明年選拔入貢之京不試祭酒孫公嘉淦固要入監大學士朱公軾嘗問監中人物孫以世成對朱曰然他日社稷臣也吾素知者一時鴻儒如鄂公爾秦蔡公世遠李公紱雷公鉉睹其學皆深自傾心在京 莊親王聘授 多羅惠郡王學得痰嗽 王為營別館置二妾固辭而疾亦愈雍正壬子舉於順天登乾隆丙辰進士大學士鄂公爾秦保舉第一以他故得禮部主事鄂公復欲與方公苞合保奏入詞館修三禮力辭尋母喪歸遂不復出大學士朱公軾尚書甘公汝來都御史劉公吳龍巡撫阿公思哈布政使李公根雲先後以博學鴻詞理學經

學等科保舉皆辭焉惟一往江寧奔其師方苞喪而已江寧歸來閉戶危坐時中夜披衣遠室徘徊家人莫問士夫翕然推理學宗七十有一猶自汲汲考定武成而易箒遺詩文集五十卷經解八卷偶札四卷耳目志二卷制藝及吉水贛縣信豐三志

李暹達字聖與積學有文行乾隆十六年邑令游法珠修縣志以博見洽聞舉為參校二十五年邑令程化鵬修縣城復以公正舉為總理殁程誌其墓見郡志文苑傳

謝昌字紹文例授同知以千金購民居擴學地縣令游法珠為之記族子弟不能就學者與之資貧者為之嫁娶嘗出穀

平糶病篤聞觀察董榕脩濂溪書院遣子偉捐三百金昌卒董誌其墓見郡志行誼傳

藍華封字三祝職授登仕郎好善喜施嘗雇人沿途惜字宗祠傾圮獨力重修乾隆戊戌歲歉出穀減糶其子橋蜚聲庠序亦能善承父志見郡志行誼傳

曾綉峰監生建茶亭於鑿石坳乾隆十七年歲饑出穀百二十石賑隣里見郡志行誼傳

劉高魁監生大禾場柯樹陂造二茶亭捐租贍之又西門外捐造二橋見郡志行誼傳

邱國柄嘗買地葬親為賣者所給發土得棺賣者將棺昇去

國族之選人之親以葬我親我不為也即還其地歲饑有以
幼兒鬻者給以錢穀全之 見郡志行誼傳

吳志通舊志闕載黃世成以下七人先載郡志

行業

楊廷為字斗南號聚臺年十三入郡庠第一肄業豫章書院
周力堂帥蘭舉視為畏友邑後起者圭臬奉之領康熙庚
子鄉薦登雍正甲辰進士由宗人府主事充玉牒館纂脩
陞禮部郎中授雲南順寧府知府兼攝永昌護迤西道與
利剔弊善政不可枚舉捐建鳳山書院嚴立課程造士先
是順寧無通籍者科甲之盛自廷為作興始充鄉試內
監試刀除積弊得拔真才年老致仕捐置祭田學租有文
集藏家卒年七十有七

黃占鰲字心矩登進士家貧力學文品高潔飲酒賦詩不驚
紛華任廣東博羅縣知縣以清靜為治改授撫州教授樂
與高士論文致仕歸宦橐蕭然家徒壁立一介不取

江大儀字禮著號慎堂由郡廩生領乾隆庚午鄉薦壬申
恩科成進士乾隆二十六年五月選授河南衛輝府延津
縣知縣蒞任甫五日黃河水決倉卒淹至城下躬親率民
竭力堵禦十餘晝夜不休而延城以全辦理賑務核對戶
口不使胥吏侵漁羣黎均沾實惠復以河工料價貧民不

能償者捐廉代為完繳一切派差積習盡予豁免各大憲稱異而胡公寶琮尤加慰藉儀因積勞致病辭請解任士民攀輿涕送數十里及告歸杜門不出著書而外惟以培植後進為務父先卒母年七十居林下十有五年愉色婉容如一日年五十七卒以不能終母養為憾遺命以麻衣草履歛焉母年至九十卒

謝肇清字憲民號渭渠君毅長子由選拔司諭上高獎勵人才拔諸生晏善澄於寒畯聯捷成進士擢當陽知縣甫下車歲旱禱雨立應災黎忭頌調黃梅懲蠹役除積弊以經術飾吏治興書院育英才縣試拔帥子承濂承瀛濂通籍

著循聲瀛登鼎甲清闡父經學著周易輯要立家訓脩宗譜事繼母最孝後卒於閩省官解宦橐蕭然制軍伍公命同僚厚卹之子予誥奉喪歸同年鍾明府翔鵬誌其墓

黃景會字仰輿號魯齋蒙次子家無立錐刻苦好學由選貢以知縣分發山東署邱縣事下車詢民疾苦興利革弊值夏雨驟漲縣北積水成湖徧歷村庄察災黎苦狀捐俸督工竭力疏濬頌聲浹然任齊東適大饑稟上憲放賑嚴防胥吏侵蝕躬親散給實惠及民補鄒縣黃河口決淹及鄒之西南境挑引河兼修運河繕道積勞成疾猶勉強視事未幾卒宦橐蕭然

信陽縣志卷之九 人物上
曹為璋字應麟領乾隆己卯鄉薦辛巳會試取明通榜第三
名授德安教諭丁憂服闋補瑞金教諭一以端品力學為
訓其為文根底經史規撫大家遊其門者亦不落尋常蹊
徑

吳琛字瑤章善屬文下筆千言立就以拔貢領乾隆庚辰鄉
薦司鐸廣豐課諸生嚴定甲乙流甄陶者多登巍科

葉兆青以恩貢任玉山教諭玉邑近浙東士習繁華文矜典
麗兆青教諸生守五大券風範以敦品實踐為要嚴訓子
姪承其家學

戴祺字景川恩貢生閉戶讀書居雖傍郭非詣家廟不入城
司諭瀘溪生監構訟發學戒飭祺一秉公正同學有饋金
乞為之地者拒弗納按季面課諸生不肯視為具文致社
歸瀘邑人士頌文行高潔於暑以志景仰

謝宇位字公一父病痢半身卧床上已即跪床下以肩承其
足跣躄不知倦凡知古由縣事驚已產賠兄虧空任懷集
縣武城司巡檢武城民多欠社穀不能償捐歷年俸代償
之民感惠政頌以廉明公恕卒於官多泣下者

補遺

明

江源字自岷明宣德間選貢授貴州太華長官司其地民夷

雜居源恩威並著一介不取民戴之巡憲察其廉能擢金
筑安撫司時年七十治簿書猶中夜不寐嘗曰先完事以
待後事之至則事了而心亦暇八旬致仕終其地子浩扶
柩歸葬

忠義

何孔濬字少明有勇畧順治間邑令吉允迪征邑寇孔濬與
焉夕出奇謀七十有七卒子邦鼎鷹揚俱入座
林德賢輕財好義南粵流賊擾境鄉勇嚴守竹篙隘乏資糧
德賢捐金米以濟軍需

江應實字白受長髯豐下佃僕有謀畧 國初土賊李善長
王雲龍等攻掠城堡應實結寨銅鈴山立保伍捍衛鄉鄰
出奇擣賊巢賊逼塞矢石雨下不得上賊困乃遁

補遺

明

謝明教字味道素有機幹王陽明以征濶至其家與之談方
畧慷慨以殲賊自誓指陳如宿將陽明嘆賞欲延之幕以
病不果行祖元宿年老舉子味道為之經理分毫無所私
進士鍾瓘嘆曰義人謀人難哉

李昂素有膽畧明萬厯間嶺南賊出入不時昂率鄉勇嚴守
竹篙隘賊不能越境內獲安

孝文

謝應奇字平叔成我幼子郡廩生性純孝八歲喪父哀毀如成人母卒號泣仰天祈吉壤葬畢日徘徊於墳前老杉下以申攀柏之慟預為依母計造穴於左自撰碑文云母生也不忍斯須離子子死也安能終焉離母哉聞者惻然兄羣漁瀟灑出塵喜遊名山遺產任其揮霍雖致匱乏晏如也生子五咸授以經義內行醇備以善保元和訓後昆賴天薦邑庠生端直曉大義康熙丙辰嶺南流賊王雲龍劫其兄天開去天薦踉蹌奔救賊並劫於營脅之不拜叱殺之薦曰殺我無害我兄兄能養父母賊動容均釋去鄰里獲安

謝英五年十二失怙常憾未能逮事父逢生忌日必涕泣以薦孝養母氏曲盡歡心伯兄逋欠數百金代償之無難色命子國宗訪姪雲士於泰和挈歸同居為之婚配以絲似續其篤於所親類如此

江澤溥字川毓邑庠生幼沾目疾文極淹貫而字畫不明遂絕意進取家貧訓學他鄉兄弟將溥已分日私賣溥覺之不與爭曰恐傷母也乾隆甲子夏瘟疫流行又洪水暴漲入屋母及弟婦同時歿溥哀號痛苦感動鄉鄰喪葬盡禮溥雖貧好施除夕有鄰人訴其無米卒歲者溥歸視僅餘

米三斗問為岳家所遺乃燒商其妻分斗米給之其孝友
樂善類此以子進士大儀 贈文林郎

謝縉字笏階性孝友母藍恭人早卒事庶母盡禮年逾五十
遇兄怒輒引咎跪謝姪宦游京師歲久負欠傾囊代償贖
南吳觀察承緒給孝義可風匾獎之

藍大千至性孝謹老而彌篤年逾七十其父廷玉已九十有
餘父病大千躬侍湯藥衣不解帶者數月居喪哀毀盡禮
卒年八十有六

謝學理字亮書貢成均善書父母伯兄季弟早世學理撫其
遺孤俾克成立總理三倫家譜局務任怨任勞始終無懈

李為震號厚堂邑廩生性至孝養志承歡人無間言司諭李
霽重之呼為李孝子為作傳友愛其弟白首怡怡性嚴毅
學究經史為文規撫大家出其門者皆循循有規矩

王全仁字諭宣拔貢生性孝友嗜學務求實踐學使翁覃溪
賞其典博拔之時赴 朝考曠昆季勉事雙親預作十年
留京計肄業太學克已窮理身體力行品學益粹著作甚
夥與水部郎李肖筠相得益彰延教其子名流爭相結納
日下思親肫誠懇摯情見於吟咏讀之惻然迄聞父歿設
位哭奠食溢米寢席地哀毀成疾同鄉先達咸勸節哀弗
聽月餘而卒士林悼之

楊仕猷字信之邑諸生童時已穎敏其父畫堂課讀不流姑
息弱冠食餼品端行方學優養粹歲科試屢獲雋獨因棘
闈母卒父繼娶王氏生子任猷而父亦卒仕猷課之亦食
餼而王氏之愛仕猷則甚於愛其子焉

謝肇楨字翠東性孝謹言動有法父好施與善承厥志奉祖
命赴都遊太學中途聞祖故奔號返里膺選拔後學益粹
手輯書詩禮註疏教其弟文煥成名諸生勗以友恭摯愛
無間弟卒撫其遺孤教養備至疾革亟令昆季安厝祖塋
命子守先祀曰吾目瞑矣

文儒

黃天策字一峯拔貢士本其曾大父九雒先生家學肆力蒐
討淵雅宏麗其發為文詞也瑰奇絕特卓然成家乾隆元
年舉博學鴻詞科著有九十九峯草督學趙大鯨序而授
梓

謝元吉越次子以五經補弟子員克承父業闡明易學推論
極精中鄉試易房經魁三試禮部不售絕意進取後以年
資敦促就銓辭不赴訓子姪多讀古書以繼先業與脩縣
志詞賅義備人稱敬甫先生子肇忠邑廩生亦精於易
黃文沅字楚川號萊畦資性靈敏七歲寒食登北邱題墓石
曰手比青竹籃倉皇欲何將古人不見今人傷但見今人

徒斷腸大似盛唐感懷之句父虞兄文汾文澍皆學問淹
貫為當時碩儒文沅揣摩其間弱冠詩文已自成家客遊
京師病卒京邸著有萊畦集若干卷卒之次年其姪世成
至京訪得燼餘僅詩五十餘首刻附平菴詩集後
吳錦字浣江領乾隆辛酉鄉薦性端方整潔恬退自甘不樂
仕進不規時藝自成一家

謝君穀越子幼穎敏善讀父書潛心理學常靜坐體認良
知洞悉陽明知行合一之旨手錄先正格言成帙增輯四
書註以為家塾讀本為文鎔鑄經史卓然成家嘗謂文以
行為本在先誠其中道勝者文不難而自至啟迪後學學

者稱翼齋先生性純孝依依孺慕年未四十遂不復上公
車養志十餘年兄弟三人以詩禮為繼述高尚不仕以易
義傳長嗣筆清就養官署諄諄以造士愛民為訓晚年演
六吉堂說以授幼子肇隆謙謙君子涵養純粹族黨中薰
其德而服膺焉

黃文任字鑑持號義菴自錦子篤志力學於六經傳註外獨
著真解中乾隆戊午鄉闈副車兄雲隱廬山衡湘間徒步
往尋不遇應正白旗孫將軍聘授其子學寓京師六年既
歸課子嚴毅常言學以衛道為主文詞其末也著有義菴
文集子暉融皆能繼其志

曹本忠字行恕九歲能文章試冠軍者三肄業豫章書院師
念祖川學健謂同邑進士楊廷為曰信邑諸生才學當以
曹某為最邑有請業於王太史步青者王曰子盍歸而求
之曹某領乾隆庚午鄉魁同郡劉太史宗魏亦極稱其立
品

俞毅字體健世治子端第幼聰穎善屬文闡其家學刻苦研
求經義才識超羣父克以大器目之領乾隆甲子鄉薦赴
禮闈不售往山右省親卒於澤州官署未克展其夙蘊士
林惜之

張嘉賓由歲貢中乾隆癸酉科副車工制藝教授生徒嚴立
課程尤體恤寒暖姪捷登家貧賴其成就領鄉薦

郭景泰字日昭號健菴天姿穎異博學彊記每讀書達旦不
寐經史百家皆精熟作文操筆立就不加點竄造就後學
因材質高下而曲成之十六為諸生十八食餼五十四乃
膺鄉薦壽七十餘而卒

江鯤字騰先康熙庚子歲貢督學王公式穀稱其文精透經
史老於學識送入豫章書院著有易經註鯤友愛析產讓
諸昆季宗戚有稱貸者悉愜所求無德色以孫大儀貴
馳贈文林郎

黃世威字養珀邑增生甘貧嗜學淵博精通與弟世成同膺

督學李公鍾儵經學古學之選前輩吳之章詭重之目為
二難世成登進士世威老諸生卒澤州知府俞世治誌其
墓

謝蔚起字升九研求經史所著詩古文詞舉入先民闔與黃
禮部世成評其文以為周緻精良眎時人之粗勵猛起者
相去什伯著一齋課藝不欲出而問世門弟子虞其人與
文俱湮也錄而授梓邑令程化鵬為之序

黃裳字青樵號厚庵歲貢石畦四子九歲能屬文嘗遊覽荆
楚衡岳湖湘諸勝著嘔啞吟吹集恬吟密咏以自娛例
人間富若貴泊如也就養印縣官署子景曾每鞠獄必稟

白終於里薛太史宁廷誌其墓

謝逢晉歲貢善承家學通九經制藝規撫大家嘗主謝氏廼
龍庵講席成就生徒甚眾學者稱幼安先生

張捷登字魁三家貧好學無力從師叔嘉賓器重之授以舉
子業由廩生領鄉薦絕意仕進培植後學多所成就

曹為珍歲貢敬事長兄為璋精勤力學讀經史務求實得不
尚聲華孝友誠篤宗族無間言品行端方士林推重

黃融字麓中文隄子邑增生幼穎悟經傳子史百家無不通
曉詩宗李杜書仿顏歐授生徒多所成就乾隆庚子應兩
淮鹽大使謝于紹聘教其子著邗溝詩草卒於署姪牧自

山左過維楊扶櫬歸從元裳誌其墓

謝荃號香谷安貧嗜學以冠軍補弟子員進修罔懈不求聞達從遊者甚衆嘗作桂月軒記以見志纂家乘秉筆謹嚴卒諸弟子作哀詞哭之

熊文亨字獻周貢生負經濟志慷慨有為乾隆辛卯丁未兩次修學宮皆捐金任其事工草書酷似懷素好博覽尤留心前哲嘉言懿行手自鈔輯成帙題曰修身立命編以作家範又自著藍田集詩文以為蒙求簡可建書齋曰三希歲延名師課讀忠敬至老不衰年八十四考終

謝啟廷字殿邦為諸生讀書日十行下博學工文辭學使姚公評其卷曰峭勁似高赤邁逸類歐曾與修縣志作大望山記載藝文子純貢成均克承家學修家譜斥異姓亂宗者有同根須愛護異類免講張之句族人誦之

李夢辰年九齡學憲金公檢門取入郡庠時王罕皆先生在幕目為大器送入濂溪豫章兩書院與彭芸楣蔣心餘諸先生相切劘詩古文詞一以古大家為宗晚年授徒以德行定人品著有川峽集

黃曰恒字青圃世成子弱齡即善承父教讀書必培其功為文慘澹經營筆不苟下精醇老當學成而年不永士林悼之

李言色原生性剛正嗜學所讀經史手自抄錄研程朱之奧
舉以訓子相兩年四十餘而卒

郭翹林思貢生沉酣書史至忘寢食文有名家風度孝廉景
泰其從姪也情好甚洽學問俱優試必冠軍邑人士咸欽
服之

賴克權字雲梯歲貢家貧力學受知於胡學使高望評其卷
曰如遇王己山當置之別情集中年逾七旬不衫不履往
來燕子巖執卷長吟猶詔門弟子講究經義

周學仰字道隆號斗山歲貢操履端正性情厚重弱冠食饋
家貧力學授徒四方造就甚衆制藝專主清正絕無艱澁

碑之習晚年尤健於為文身七十餘卒

昭融由歲貢中乾隆戊申副車實譽刻苦力學

家貧力學授徒四方造就甚衆制藝專主清正絕無艱澁

昭融由歲貢中乾隆戊申副車實譽刻苦力學

七十

黃景昇字颺廣郡原

恪守先民矩矱遊其門者皆為鄉閭不替及貢

期而卒士林惜之

高鳳藻字天池號儀亭歲貢

通經史為文風起泉湧不假思索同人嘗於堯皇擾攘中

試以題頃刻而就歲科試屢列前茅鄉闈四薦不售從遊
弟子雲集隨其質之敏鈍詣之淺深裁成而陶鑄之知名
士出其門者難以數計卒年七十有七

黃景尹字莘夫蒙長子聰慧絕人多讀古書工詩著潛齋詩
稿幼得痼疾足不克履地邑令潘汝炯愛其詩常令乘肩
輿進署唱和不輟

李光潤字子謙領乾隆己亥科鄉薦銳意科名每計偕留京
師從賢士大夫遊學益深遠試卷凡三薦不第性倜儻雅
有一日千里之致惜年僅三十餘而終

王捷甲字本乾號春田弱冠食餼勵精苦學嘗中夜讀書嚙

血壁上不就寢潛修身性命之道邑令魏攀龍慕其品
端學富延為諸子師旋有待質公庭者俟其歸暮夜登門
求一言為地正色却之遲明廉得其直召族長為排解息
訟魏益重之乾隆己酉領鄉薦三試禮部不售居京邸聞
仲弟訃急南還至山左慟弟嘔血抵家兩月而卒徐太史
名紱誌其墓生平秉正嫉邪黜華崇實教人以立品敦行
為先通經致用為要

甘忠壘字錫蒼恩貢生品端養邃士論韙之贛鎮花連布擇
經師教子司諭林大定薦錫蒼在幕府教讀二年絕口不
談公事花器重之

黃元建字濬華號仙槎郡廩生幼失怙至性過人弟早逝撫
姪如己子詩古文詞清華淵博宏逸欲仙真草篆隸構極
精工日以詩酒娛情興至輒畫蘭竹筆意清矯具淡月疏
風之致

陳慶錫字光緒廩貢生試用訓導世業賈獨奮力向學所交
皆知名士為文廉悍精透肆外閔中旁及雜學淵博精詳
性伉爽而和有遠畧年四十卒士論惜之

謝文煥字郁唐品端學邃縣試冠軍以憂歸服闋應縣府院
試皆第一食餼後尤肆力秦漢以上書志期遠到惜未竟
其業卒年三十有二同懷兄肇楨哀輯殘編以遺其孤

李彬字允章號穆脩歲貢士為人歛華就實砥行礪名讀書
以窮理明倫為要尤篤於孝友鄉里奉為楷式皓首窮經
以及諸子百家為文不趨時尚淵懿樸茂如其人嘗受知
於翁覃溪汪瑟菴兩學使癸未秋延入志局秉筆謹嚴稿
成而卒年七十有三

江宗海字巨涵邑廩生年十八縣院試皆第一為督學蔣公
元益所器重為文閔中肆外鎔鑄經史屢試列前茅鄉闈
三膺首薦不售丁未脩學董理其事公正為眾所推卒年
三十一士林悼之

補遺

明

李端儀幼穎異聞王陽明致良知之學心竊慕之乃受業於
何善山之門探本窮源有志未逮著有文集未付梓

圖

